



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



K.ii.480





ASHMOLEAN LIBRARY, OXFORD

This book is to be returned on or before the last
date stamped below

16 JUL 1902

main No

*Joan Newton
magister H. Hof.*

DE ANATHEMATIS GRAECIS.

DISSERTATIO INAUGURALIS

QUAM

CONSENSU ET AUCTORITATE

AMPLISSIMI PHILOSOPHORUM ORDINIS

IN

ALMA LITTERARUM UNIVERSITATE ALBERTINA

AD

SUMMOS IN PHILOSOPHIA HONORES

RITE CAPESSENDOS

UNA CUM THESIS

DIE XIII. MENS. APRIL. A. MDCCCLXXXV

HORA XII

PUBLICICE DEFENDET AUCTOR

FRANCISCUS ZIEMANN

REGIMONTANUS.

ADVERSARIORUM PARTES SUSCIPIENT:

PAULUS KAREHNKE, CAND. PHIL.

ERDMANNUS SCHWARZ, CAND. PHIL.



REGIMONTI BORUSSORUM.

MDCCCLXXXV.

TYPIS LEUPOLDIANIS.

εἰς ἀνὴρ οἱ πάνθ' ὄρεῃ.
in magnis et voluisse sat est.
(Propert. II, 10, 6).



117

Gustavo Hirschfeld

sacrum.

Certe mireris neminem adhuc exstitisse, qui de anathematis¹⁾ Graecis²⁾ quaestionem faceret continuam. Pauca modo hic illic inveni; enumero libros hos:

P. Kunz, sacra et profana ἀναθημάτων historia (1729) p. 12 sqq.

J. Beckmann, Beiträge zur Geschichte der Erfindungen II (1788) p. 364—391.

J. B. Facius, Collectaneen zur Griechischen und Römischen Alterthumskunde (1811) p. 198—208.

W. Wachsmuth, Hellenische Alterthumskunde II² (1846) p. 558. 559.

C. Bötticher, Andeutungen über das Heilige und Profane in der Baukunst der Hellenen (1846) p. 5—9.

F. H. Schöne, Schulreden (1847) p. 86—94.

C. Fr. Hermann, Lehrbuch der griechischen Antiquitäten II² (1858) p. 26 adn. 3; 107 adn. 8; 135 adn. 20; 140 adn. 1—5.

1) Vocabulum „anathema“ apud Latinos nisi novissimis temporibus non invenitur (cf. Prud. Psych. 240). Latini proprie dicebant „donarium“. Quamquam hoc vocabulum de thesauris quoque, quin etiam de templis legitur (Serv. Verg. Georg. III, 533; Aen. II, 269; XII, 199).

2) De Romanis quidem nonnullis saeculis ante J. Ph. Tomasinus in libro, qui inscribitur „de donariis ac tabellis votivis“ (1654), egit. Neque autem ullo modo dissertatio nobis recentioribus potest satisfacere. Sed proprius in hoc inquirere et longum est et a themate nostro alienum.

Th. Panofka, Von einer Anzahl antiker Weihgeschenke und den Beziehungen ihrer Geber zu den Orten ihrer Bestimmung (Ac. soc. Berol. 1859 p. 125—192).

Ch. Th. Newton, on greek inscriptions (= essays of Art and Archaeology 1880 p. 94—209), qui liber in linguam Germanam transscriptus est ab Imelmannio Berolinensi. Die griechischen Inschriften (1881) — cf. p. 79—85.

C. Bötticher, Die Tektonik der Hellenen II² (1881) pp. 372—374, 438—454, 459—462.

Alia opera suo loco commemorabuntur. Mirum est, quod in encyclopaedicis qui vocantur libris tam pauca et exigua de quaestione nostra leguntur. Quod vero Daremberg et Saglio¹⁾ fasciculum eum, in quo vocabulum „donarium“ tractabitur, nondum publici fecerunt iuris, dolore commovemur gravi.

Nos a recentioribus ad veteres fontes ipsos vertamus necesse est atque materiam collectam in ordinem quendam redigamus denuoque quasi integram tractemus. Fontes autem sunt et omnes Graecorum scriptores, imprimis Pausanias epigrammataque in Anthologia Graeca²⁾ collecta, et dedicatorii qui vocantur tituli et varia monumenta.

Et hoc quidem loco e quaestionibus multis quae ad anathemata Graeca pertinent unam modo persequar. Quaestio autem est, qui anathematum Graecorum fuerit usus.

Totam materiam dividi in capita duo.

Prius caput committetur quaestioni de iis anathematis, quae certis diebus dabantur diis quorumque numerus longiore aut breviori spatio intermisso augebatur. Haec nominaverim anathemata ordinaria. In altero capite donaria semel modo diis data tractabo. Et horum nomen sit anathemata extraordinaria.

1) Dictionnaire des antiquités grecques et romaines tom. I 1877 (Paris).

2) Cap. VI ἐπὶ γράμματα ἀναθηματικά

Utrique capiti dispositionem ita subiungam, ut anathemata publica et privata separatim vocentur in quaestionem.

I. Agitur de anathematis ordinariis.

1. de publicis.

Anathematum quae ordinaria a me nominantur publica nisi cum reditu dierum festorum coniuncta non inveni. Perlustremus singula Graeciae loca.

Athenis inde a Pisistrati aetate quod docuit A. Mommsenius¹⁾ — pro Panathenaeis Magnis, quae quinto quoque anno agebantur, a virginibus in urbe vestis (πέπλος)²⁾ texebatur et in Minervae templo deponebatur. Postea pro annuis quoque Panathenaeis vestis, non a virginibus in urbe, sed in templo Minervae ipso magistra sacerdote ab arrhephoris³⁾ quae vocantur duabus, quibus nomen erat Ἐργασίται⁴⁾, texebatur⁵⁾. Vestem Panathenaeorum Magnorum illam usque ad saeculum quartum p. Chr. esse dedicatam, testis est Himerius.

Amyclis mulieres Lacedaemoniae quotannis Apollini vestem (χιτών) in aedificio, quod ipsum vocabatur Χιτών, texebant (Paus. III, 16, 2). Quem morem pro Hyacinthis aut Carneis valuisse, verisimile mihi videtur (cf. Hermann l. l. § 53).

Elide collegium sedecim mulierum Eliacarum quinto quoque anno Junoni Olympiacae vestem (πέπλον) in domo quadam texebant⁶⁾.

1) Heortologie p. 185.

2) Michaelis, Parthenon p. 328.

3) omnino erant numero quattuor.

4) Hesych. v. Ἐργασίται. Cf. Mitth. A. J. VIII p. 57—66.

5) Cf. A. Mommsen l. l. p. 119 et 188; Bötticher Tekt.² p. 569.

6) Paus. V, 16, 2; VI 24, 10.

De Delo insula titulis a Th. Homolle in lucem prolati et editis plurima cognovimus; cf. imprimis Bull. de corr. hell. VI = 1882 pp. 29 — 54; 85—167. Annui fractibus vasa viginti duo ab iis qui thesaurorum curam susceperant in Apollinis templum deferabantur. Ji enim qui thesauro profano praeerant i. e. ταμίαι viginti vasa tradebant, qui thesauro sacro praeerant i. e. ἱεροποιοὶ in duobus tantum acquiescebant. Haec duo deponebantur eo die quo Εὐνύχεια et Φιλαδέλφεια agebantur, qua de causa iis nomina sunt indita Εὐνύχειος et Φιλαδέλφειος. Quae-ritur, num viginti quoque vasa illa certis diebus festis in templi tutelam abierint. Verisimile hoc per se esse videtur, si istam consuetudinem hieropoeis propriam comparaveris. Accedit, quod vasa, de quibus agitur, nonnullis locis (cf. l. l. p. 144) cum nominibus feriarum coniuncta inveniuntur.

Sed coniectura sola, donaria quoque civitatum et regum externorum festis diebus deo esse data, possumus consequi. In quorum numero¹⁾ Cos et Rhodus insulae per longum temporis spatium a legatis votivis i. e. θεωροῖς pateram anniversariam in Apollineo deponendam curabant²⁾. Hoc feriis Apollinis Delii illis notissimis factum esse, verisimillimum mihi videtur. Sequuntur reges Aegypti et Macedoniae³⁾, quorum primum anathemata anniversaria dedicasse Ptolemaeum I, Lagi filium, Homolle argumentando docuit. Regis consilium quo spectaverit est manifestum. Delus insula, quae diu gloria caruerat, tunc ad summam auctoritatem florens in omnium ore ac sermone versabatur; nam ceteras Cycladas secum 'duce coniunxerat⁴⁾. Itaque ille gratia benevolentiaeque insulae sacrae carere se

1) De Alexandria urbe cf. l. l. p. 165 adn. 5.

2) Cf. tituli l. l. p. 29 — 54 typis expressi lineas 31, 35, 37, 38, 39, 94, 95, 107, 109, 162.

3) Rarius reges Syriae leguntur (p. 158 adn. 6).

4) l. l. p. 157; cf. Bullet. IV. p. 320—334.

non posse arbitratus est. Qua de causa eius dona non tam pietate erga deum quam consilio, ut ita dicam, politico sunt orta. Idem dicendum est de iis, qui post illum Delum adulantes re vera insulam in potestate sua habebant. Erant autem Antigonus Gonatas Macedonum rex (p. 160 adn. 1) et Ptolemaeus III Euergetes auctoritate opibusque summi. Omnibus regibus erat consuetudo ea, ut plerumque per puellas (*Ἀηλιάδας*) dona, quae erant paterae (lin. 15), raro coronae (lin. 9), hieropoeis tradenda curarent. Atque a vero me haud procul abesse iudico, si conicio illas legationes iis diebus ipsis, qui nomen suum a regibus mutuati erant, deo dedisse dona.

2. de privatis.

Aequae ac publicae anathemata festis diebus privata dedicabantur. Cuius moris exempla inveniuntur locis his.

Athenis choregi¹⁾, quotiescunque choro sive cyclico sive comico sive tragico Dionysiis aut Thargeliis e certaminibus evaserant victores, tripodem tribui suae datum²⁾ publice collocandum curabant. Collocabantur autem tripodes in Dionysio, Dionysiis victoria, in Pythio³⁾, Thargeliis victoria parta, aut, si quidem ea re choregi delectabantur, in tripodum quae vocabatur via⁴⁾. id quod interdum super templo sumptu proprio dedicato⁵⁾ factum est.

Nota sunt nobis donaria choregorum horum:

Eurymenis (C. J. G. I, 212: ante Euclidem).

Niciae (Plut. Nic. 3).

Call . . . (Calliae? — C. J. A. I, 421 = C. J. G. 1036).

1) Böckh. Staatsh. I² p. 600—609; Daremberg et Saglio v. *χορηγία*.

2) Lys. *ἀπολ. δωροδ.* 38.

3) Suid. v. *πύθιον*.

4) Paus. I, 20, 1.

5) Cf. Lysicratis monumentum illud notissimum.

Aristocratis (C. J. A. I, 422: c. 407 a. Chr.).

Aristidis (C. J. G. I, 211; Plut. Arist. 1).

Menetelis (C. J. G. I, 217: c. 341).

Lysicratis (C. J. G. I, 221: 334).

Euagidis (C. J. G. I, 222: 326).

Lysiclis (C. J. G. I, 223: 323).

Thrasylli (C. J. G. I, 224; Paus. I, 21, 4: 320).

Thrasylli exemplum est novissimum, quantum scio, quo civem aliquem munere choregi functum esse illustratur. Post hunc titulum cum magna pateat lacuna, de tripodibus usque ad annos 293/2 a. Chr. dedicatis in incerto relinquimur. His autem annis attribuendum est exemplum¹⁾ antiquissimum, quo teste populus, qui choregi munus suscepit²⁾, agonothesiam quandam officii vicarium creavit. Id tamen iam ante annos 293/2 factum esse, U. Koehlerius³⁾ mihi demonstrasse videtur, eumque secutus lectionum duarum illarum terminum statuo esse annum 309. Recentioris autem lectionis exemplum notissimum extat in tit. C. J. G. I, 225. 226, ubi Thrasycles, Thrasylli modo commemorati filius, post duas victorias eodem anno (271) partas tripodes duos in patris monumento ponens legitur. Temporis spatium, per quod utraque lectio invenitur, saecula V, IV, III a. Chr. complectitur. Contra saecula II et I a. Chr. — semper de Athenis solis agitur — titulos choregicos nobis tradiderunt nullos. Rursus inveniuntur saeculo I p. Chr. nonnulli iique lectione posteriore exarati i. e., ut repetam, cive nominato chorego. Hactenus de ea re. Hanc hoc loco a me tractatam esse dico ea de causa, quod post unamquamque victoriam tripodes a victoribus solebant dedicari.

Eadem consuetudo valuit in certaminibus ob honorem Apollinis Triopeii actis. Notum est Halicarnassum urbem,

1) C. J. A. II, 302.

2) ὁ δῆμος ἐχορήγει.

3) Mitth. J. A. III = 1878 p. 229—241.

quod Agasicles victor tripodem in illius dei templo non posuerat, eiectam esse e sex illarum urbium foedere¹⁾.

Thebis mos erat, ut is puer, qui Daphnephoriis lauream carptam referebat domum, in Apollinis Ismenii templo tripodem aureum dedicaret. Qua de causa Pindarus²⁾ id templum thesaurum aureorum tripodum nominat. Illum autem morem iam aetati mythicae usurpari scriptum videmus. Herculis enim loco, qui nimis fuerit puer, Amphitruo pater fuisse dicitur dedicans³⁾.

Deli in insula anathemata temporibus certis recurrentia ab hominibus privatis et domesticis et externis dedicata esse exemplis illustratum video. In domesticorum numero primum refero Ocynedas et Thyestadas tribus, quae in Apollineo unam⁴⁾ aut duas⁵⁾ pateras quotannis videntur posuisse⁶⁾. Quae utrum donatae sint ex usuris donationis cuiusdam gentiliciae an pecunia semper denuo collata, non constat. Conicienti mihi, occasionem dedicandi fluxisse e consuetudine illa notissima Apollinem Delium celebrandi, verum haud procul videtur abesse. Deinde hic commemoro stesilea⁷⁾ quae vocantur vasa. Quorum genera discernenda sunt duo, cum modo Stesileus ipse dedicans nominatur modo non nominatur. Si Stesileus ipse est dedicans, interdum⁸⁾ munus eius qui illud vas hieropoeis tradidit (*παρέδωκεν*) attribuitur senatui (*βουλῇ*). Id quia interdum modo, non semper actum sit, estne mirum? An quid? Stesileus si vas quoddam dedicabat, quare non ipse hieropoeis tradere solebat? In hanc quaestionem ut accuratius

1) Herod. I, 144.

2) Pyth. XI, 4; cf. Herod. V, 59.

3) Anthol. Palat. VI, 6; Paus. IX, 10, 4. Cf. C. O. Mueller, Orchomenos p. 397.

4) Bullet. VI p. 35 lin. 37.

5) lin. 54.

6) p. 143.

7) *στησίλεια ποτήρια* sive *σκάφια*.

8) lin. 127. 131.

inquiram, fieri non potest. Res igitur quasi quae non disceptanda sit in medio relinquitur. Alterum genus vasa stesilea complectitur ea, in quibus Stesileus ipse dedicans non nominatur. Quae Homolle (l. l. p. 113) a senatu dedicata esse coniecit. Neque hoc tamen ullo tituli loco tam perlucide dicitur, ut dubitatio quaeque tolli posse videatur. Nos illi potius sententiae favemus atque in ea plus probabilitatis inesse arbitramur, quam doctissimus ille vir etsi attulit¹⁾ tamen ipse non probavit. Stesileus enim testamento reliquerat pecuniam, e cuius usuris senatus tale quotannis vas, quale vivus per longum temporis spatium ipse Apollini donavisset, mortui nomine dedicaret. Qua de causa haec quoque vasa vocabantur stesilea. Tali igitur modo, ut breviter repetam, genera vasum stesileorum duo differunt, ut prius a Stesileo ipso cum viveret, alterum fideicommissarii ratione a senatu dedicaretur. Hoc autem intercedere discrimen, ea quoque re confirmatur, quod vasa prioris generis pondere antecellunt alteri. Quomodo id exponendum sit, nescio. Senatusne fortasse aliquam pecuniae partem defraudabat? Addo denique, utrumque genus festis diebus, id quod ex additamento ἐπιστατοῦντος τοῦ δεινός²⁾ mihi elucere videtur, esse dedicatum.

Tum sequuntur vasa μικύθεια³⁾, φιλονίδεια⁴⁾ γοργία⁵⁾, quae omnia ut a certis hominibus dedicabantur, ita pro largitoris nomine nomen suum acceperunt. Haec quoque vasa festis diebus in templo deposita esse, mea est et, ut arbitror, haud parum certa coniectura.

Hactenus de domesticorum anathematis. Externis ex hominibus dedicantibus vocandi sunt duo, Hermias⁶⁾ qui-

1) l. l. p. 112.

2) lin. 112. — lin. 44. 47. 51. — cf. l. l. p. 148.

3) σκάφιον sive ἀργυρίης sive πύλις: lin. 146, 173.

4) σκάφιον: lin. 99, 144.

5) φιλέη: lin. 110, 143.

6) Bullet. VI p. 159.

dam, nesiarchus Ptolemaei I, et Nicolas¹⁾ Aetolius, Antigoni Gonatae socius. Qui per complures annos continuos donaria dedicabant Apollini. Id quod feriis, ab hoc Antigoneis, Ptolemaeis ab illo, factum esse mihi persuasum est. Conferantur ea quae supra²⁾ disserui.

In huius capituli fine breviter, quae de anathematis ordinariis et publicis et privatis exposui, complecti mihi liceat. Anathemata ordinaria compluribus Graeciae locis — Amyclis, Athenis, Deli, Olympiae, Thebis — invenimus dedicata. Haec autem, quae enumeravi, loca sola, non alia fuisse, fortasse nullam aliam causam nisi traditionem, ut ita dicam, nostram potest habere. Occasionem dedicandi plerumque, ne dicam semper, praebere solebant dies festi aut anniversarii aut spatio longiore interposito redeuntes. Ad dierum festorum modum accommodata erant dona. Haec enim erant vestes statuīs deorum textae, vasa varia, coronae, tripodes, i. e. dona ad cultum sive usus sive ornamenti solius causa pertinentia.

II. Agitur de anathematis extraordinariis.

1. de publicis.

In anathematis extraordinariis enumerandis et describendis aliam atque antea viam ineam oportere mihi videtur. Nam cum anathemata ordinaria ita comparata invenerimus, ut et civitates et singuli semper una eademque dedicandi occasione uterentur, extraordinaria variis inter se differunt occasionibus.

Et in priore quidem parte aequae ac supra anathemata publica persequar.

1) p. 160 adn. 5.

2) p. 4.

1. Primo consideremus loco ea anathemata, quorum auctores e calamitate quadam se expediverant. Ex huius generis exemplis donaria ad bella bene gesta pertinentia videntur mihi esse longe gravissima. Haec pro temporum ratione afferam.

Argivi et Polynices dux, priusquam Thebas proficiscerentur, in templo quodam Argivo statuas Martis Venerisque dicuntur posuisse (Paus. II, 25, 1). Hoc exemplum — aequae ac alia quae postea suo loco enumerabo — dissimulanter quidem eius esse aetatis videtur, quae fabulis obtegatur. Id tamen hoc loco inserendum putavi et ut lectori accuratius quaerenti exempla quamvis plurima praesto sint et quod persuasum mihi habeo, id genus anathemata ea aetate, quae historiae fide comprobatur, esse facta. Nam cum veteres, unde originem multorum templorum statuarum rerum cuiusvis generis sumerent, in incerto essent, ex hac ambiguitate ita se expediverunt, ut auctores usurparent mythicae illius aetatis homines. Neque silentio praetereo, anathema primo loco enumeratum non tam ad bellum confectum quam conficiendum referri. Sed cum alio loco afferri non possint, ut arbitror, id genus donaria hic commemorantur.

Dores Achaeis, imprimis Amyclaeis victis prope ad Spartam fanum Jovis *Τροπαίου* narrantur condidisse¹⁾

Annis 743—724 i. e. aetati primi belli Messenii anathemata attribuuntur haec. Victoria ab oraculo Delphico iis qui priores ad Jovis Ithomatae aram posuissent centum tripodes promissa, hoc fecisse dicuntur astu Spartiatae²⁾. Ad idem bellum bere confectum alii, numero tres, tripodes ab iisdem Apollini Amyclaeo dedicati pertinent³⁾. Omnia quae ad quaestionem de tribus his tripodibus habitam spec-

1) Paus. III, 12, 9.

2) Paus. IV, 12, 7—9.

3) Paus. III, 18, 8; IV, 14, 2.

tant, legas velim apud Brunnium¹⁾, Welckerum²⁾, Overbeckium³⁾.

Accedo ad secundum bellum Messenium: 685 — 668. Bello vix incepto Aristomenes clam clipeum quendam Lacedaemonium in Minervae *Χαλκιοίκου* templo, quod erat Spartaee, dicitur suspendisse⁴⁾ et postea suum ipsius clipeum, quem in pugna amissum recuperaverat, Lebadiae in antro Trophoniano deposuisse⁵⁾ Arcades in Iovis *Ανταίου* templo dedicaverunt columnam ad memoriam Aristocratis proditoris retinendam⁶⁾

Ante annum 598 Megarenses, postquam cum Atheniensibus de Salamine insula feliciter pugnaverunt, in urbe sua rostrum aheneum in Iovis templum detulerunt⁷⁾. Idque ante annum 598 illum factum esse, conicio inde quia ab hoc insula in Atheniensium possessione erat perpetua.

c. 550. Hoc loco inserendum puto thesaurum, quem Megarenses e praeda Corinthia aedificaverunt Olympiae. Eum enim medio saeculo sexto esse attribuendum, omnes fere recentiores consentiunt⁸⁾. Antea, cum Pausaniae⁹⁾ auctoritas nimis valeret, thesaurum viri docti existimaverunt exstructum esse iam multo remotiore aetate: velut C. O. Muellerus¹⁰⁾ annum 930 statuendum putavit. Brunnium¹¹⁾ autem primum Pausaniae sententiam abnuentem enucleasse veram aetatem notum est. Propius in hoc inquirere mihi non in animo est; respicias velim dissertationem A. Boetti-

1) Geschichte der griechischen Künstler I p. 87.

2) Kleine Schriften III p. 534 et 544.

3) Geschichte der Griechischen Plastik I³ p. 112. 124.

4) Paus. IV, 16, 7.

5) Paus. IV, 32, 5; IX. 39, 14.

6) IV, 22, 7.

7) I, 40, 5.

8) cf. A. Bötticher, Olympia p. 208.

9) VI, 19, 12—14.

10) Dorier I p. 89.

11) I p. 46.

cheri¹⁾ illam praeclarissimam. Id modo repeto, in thesauro fuisse sculptum Herculem cum Acheloo pugnantem, quod opus Dontae adscribendum esse docuit Pausanias.

Inter annos 510 — 505 quadriga ahenea, cuius basis titulo praedita reperta est, in Atheniensium arce Boeotiis et Chalcidensibus victis est dedicata²⁾ Eodem tempore ibidem Athenienses vincula, quibus illi colligati erant, suspendisse videntur³⁾.

500—490⁴⁾. Phocenses devictis Thessalis Apollini donaverunt Delphico statuas et Herculis Apollinisque de tripode luctantium et heroum domesticorum et Daiphantae Rhoei ducum Telliaeque vatis. Item post eandem victoriam duo clipeorum hostilium milia Delphos, totidem miserunt Abas. Quae anathemata non deinceps uno leguntur loco, sed e multis locis sunt collata. Loci autem sunt Herod. VIII, 27; Paus. X, 1, 8. 10; 13, 6, 7. Bellum, de quo hic agitur, cum E. Löwy⁵⁾ sequor auctorem, idem esse puto, quod a Pausania alio loco⁶⁾ commemoratur. Hic enim de Iovis statua a Thessalis Phocensium victoribus Olympiae dedicata agitur. Quidni in illo bello semel Thessali commodum quoddam sibi potuerunt comparare?

c. 500. Incolae Chersonesi Thracicae et Miltiades dux, oppido quodam expugnato, Amaltheae quod dicitur cornu Olympiam, ubi Pausanias⁷⁾ in Sicyoniorum thesauro id vidisse se contendit, miserunt.

Accedimus ad bellorum Persicorum aetatem, de cuius donariis conferantur quae E. Curtius⁸⁾ multisante annis disseruit.

1) cf. p. 40 adn. 1.

2) Herod. V, 77; C. J. A. I, 334.

3) Herod. l. l.

4) Herod. VIII, 27; M. Duncker, *Gesch. d. Alt.* VI⁵ p. 255.

5) *Unters. z. gr. Künstlerg.* (1883) p. 5.

6) V, 24, 1.

7) VI, 19, 6.

8) *Nachrichten v. d. Univ. z. Göttingen* 1861 p. 365—374.

493 -- 490. Mandrocles ille, qui pontem in Bosporo faciendum curavit, tabulam dedicavit a se ipso pictam, in qua transitus regis Persarum conspiciebatur, in Iunonis Samiae aede¹⁾).

490. Hoc anno torquetem aureum²⁾ attribuo a Datide duce Apollini Delio consecratum³⁾

Eidem tempori, postquam Persae ab Atheniensibus et Plataeensibus ad Marathonem victi sunt, donaria a veteribus adscribuntur multa. Quamquam compluria hac falso fruuntur gloria. Neque autem omnia donaria ad victoriam illam relata hic volo commemorare, cum Brunnius⁴⁾ ea enumerasse et perquisivisse iusto modo mihi videatur. Id solum dico. Anathematis iis quae ad pugnam Marathoniam immerito referuntur praetermissis, restant quinque, quorum duo, Panaeni tabula in poecile illa⁵⁾ et statuae Miltiadis heroumque decem Delphis dedicatae⁶⁾, compluribus annis post pugnam orta esse videntur. Attamen cetera tria quin statim post victoriam dedicata esse possint, nihil obstat. Sunt autem haec: fanum Panis Athenis⁷⁾, ibidem Dianae *Εὐχλείας* templum⁸⁾, Delphis thesaurus⁹⁾.

480. Post res ad Thermopylas gestas Spartiatae fanum Maronis Alpheique, qui cum Leonida fortiter pugnavissent, prope ad urbem condiderunt¹⁰⁾.

480. Victoria ad Artemisium parta Amphictyones

1) Herod. IV, 88.

2) *στρεπτόν χρυ σοῦν*.

3) Bullet. VI p. 152.

4) I p. 162—164.

5) Paus. I, 15, 3; H. Köhler, Ges. Schr. VI p. 216, qui tabulam non ante annum 456 ortam esse contendit. Picta autem conspicietur pugna Marathonica.

6) Paus. X, 10, 1, 2; E. Curtius l. l. p. 369—371.

7) Herod. VI, 105.

8) Paus. I, 14, 5; Plut. Arist. 20.

9) Paus. X, 11, 5.

10) Paus. III, 12, 9,

Delphis statuas Scyllidis Hydnaeque filiae, qui ut erant sub aequor mersi navibus hostium multa paraverant incommoda, dedicaverunt¹⁾ Lycomedes trierarchus, qui primus navem quandam hostilem cepit, Athenis eius signum²⁾ Apollini *Δαφνηφόρου* consecravit³⁾.

480. Victoriam ad Salaminiam donaria referuntur haec. Athenienses Salamine in insula fanum Cychrei herois⁴⁾, qui pugnantibus sibi venisset auxilio, condiderunt. Eidem victoriae porticum quoque illam Delphis ab Atheniensibus exstructam attribuerim, quamquam Pausanias⁵⁾ eam ad Phormionis victoriam anno 429 partam, Haussoullier⁶⁾ ad victoriam anni 460 Aegineticam referri volunt. Causae autem mihi sunt duae: quod et tituli nostra aetate reperti palaeographia⁷⁾ ad remotius illud tempus accommodata mihi esse videtur et anathemata⁸⁾, quae optimo iure victoriis a Pausania et Haussoullier vindicatis possunt attribui, mihi occurrerunt. Atque hae victoriae pro Salaminia parum splendore gloriaque praestiterunt quam quae pluribus et amplioribus donariis illustrarentur. Venio ad anathema Atheniensium tertium. Est fanum, quod erat in pago Melites, Dianae *Ἀριστοβούλης*. Hoc quamquam Plutarchus⁹⁾ a Themistocle consecratum esse tradidit, ex aerario publico solvi est verisimilius. Hactenus de Atheniensium donariis. Aeginetae¹⁰⁾ in Apollinis Delphici templo dedicaverunt tres stellas aureas ad malum adnexas. Corinthiae¹¹⁾ triremis

1) Paus. X, 19, 1, 2.

2) *παράσημα*.

3) Plut. Them. 15.

4) Paus. I, 36, 1.

5) X, 11, 6.

6) Bullet. V = 1880 p. 1—19. — Cf. Mitth. 1884 p. 264—270.

7) Alio loco accuratius hoc inquirere in animo habeo.

8) de quibus suo agetur loco.

9) Them. 22.

10) Herod. VIII, 122.

11) Herod. VIII, 11; Plut. Them. 15; id. de malign. 38.

cuiusdam milites arma hostium in Latonae templo suspenderunt. Universorum denique Graecorum anathemata¹⁾ sunt haec: Delphis statua quaedam²⁾, naves hostium singulae Salamine et Sunii et in Isthmo.

479. Post pugnam Plataeensem Athenienses³⁾ Masistii loricam, Mardonii ensem, Xerxis sellam in Erechtheo deposuerunt. Iidem Delphis condiderunt thesaurum⁴⁾ ubi Persarum et Thebanorum clipei conspiciebantur suspensi. A Tegeatis⁵⁾ in Minervae Ἀλῆας templo praeseptum aeneum, a Carystiis et Plataeensibus⁶⁾ Delphis dedicati sunt singuli tauri aenei. E huius victoriae⁷⁾ praeda illud quoque Minervae Ἀρεῖας templum a Plataeensibus conditum est⁸⁾; in hoc templo erant statuae Minervae Arimnestique ducis et tabulae duae, quarum in ura Septem illos Thebas proficiscentes, in altera Ulixem procos ad inferos compellentem pinxerat Polygnotus⁹⁾. Denique Euchidae quoque, qui postquam ignem Delphis arcessivit statim est mortuus, statua paullo post pugnam hanc a Plataeensibus in Dianae

1) Herod. VIII, 121.

2) Apollinis videtur fuisse. Hanc statuam esse eandem iudico, quam Graeci e praeda ad Salamina et Artemisium comparata Delphis collocandam curaverunt. Paus. X, 14, 5.

3) Herod. IX, 82; Demosth. in Timocr. p. 741; Paus. I, 27, 1.

4) Paus. X, 19, 4.

5) Herod. IX, 70.

6) Paus. X, 15, 1; 16, 6.

7) Quamquam Pausanias (IX, 4, 1, 2) id ad pugnam retulit Marathoniam.

8) Thuc. III, 68; Plut. Arist. 20.

9) Curtius I. I. p. 368: „Wir finden hier eine ganz ähnliche Benutzung der Legenden wie in der Blüthezeit der italienischen Kunst, als Rafael die Vertreibung der Barbaren aus Italien in der Austreibung Heliodors aus dem Tempel, die Rettung des Papstes durch die Befreiung Petri aus dem Gefängnisse, die Niederlage der Franzosen im Zuge Attilas darstellte. . . Es sind zwei Niederlagen solcher, welche, wie die Perser, in fremdes Eigenthum widerrechtlich eingedrungen sind und die Strafe ihres Uebermuths erleiden“.

Ἑκλείας templo¹⁾ dedicata mihi esse videtur. Ut autem Athenienses Tegeatae Carystii Plataeenses, ita Lacedaemonii et universa Graecorum gens, haud immemores victoriae Salaminiae, gratos se erga deos praestitisse traduntur. Primo commemoramus loco porticum illam Persicam Spartae exstructam, de qua Pausanias²⁾ nil retulit nisi hoc unum, eam aedificatam esse ἀπὸ λαφύρων τῶν Μηδικῶν. In hoc porticu stabant statuae Mardonii, aliorum Persarum, Artemisiae reginae. Utrum autem hae statuae simul cum porticu an posteriore, cum Lacedaemonii a Persarum partibus starent, aetate sculptae sint, in medio relinquitur. Quamquam sententia postremo loco proposita videtur esse verisimilior. Deinde ad cunctorum anathemata Graecorum venio. Sunt haec: Olympiae statua Iovis³⁾, in Isthmo Neptuni⁴⁾ Delphis aheneus tripus ille notissimus⁵⁾ prope ad Plataeas ara Iovis *Ἐλευθερίου*⁶⁾.

478. Byzantio expugnato Pausanias rex pateram⁷⁾ in Neptuni templo ad Pontum sito deposuit.

469. Athenienses, postquam ad Eurymedontem vice-runt, diis, cum Delphis⁸⁾ palmam aheneam statuamque Minervae dedicaverunt, gratiam retulerunt.

1) Plut. Arist. 20.

2) III, 11, 3. Cf. Curt. l. l. p. 366: „Es ist in verschiedenen Zeiten daran gebaut worden und nicht zu bestimmen, wann und wie dieses merkwürdige Gebäude, der einzige Prachtbau von nationaler Bedeutung, den wir in Sparta kennen, ausgeführt worden ist. Es lässt sich nicht einmal mit Bestimmtheit sagen, ob es ein den Göttern geweihtes Gebäude war“.

3) Herod. IX, 81; Paus. V, 23, 1—3.

4) Herod. l. l.

5) Herod. l. l.; VIII, 12; Curt. l. l. p. 374—390.

6) Plut. Arist. 19.

7) Herod. IV, 81; M. Duncker Sitzb. B. A. 1883 p. 1125—1143.

8) Paus. X, 15, 4. Cf. Curt. l. l. p. 371: „Es ist ein arges Missverständnis, wenn man sich hier die Göttin auf einer niedergeworfenen Palme stehend gedacht hat; es war vielmehr der hochaufgeschossene mit Datteln behängte Baum das Symbol des fruchtreichen Siegesglücks

Hactenus de donariis bellorum Persicorum iis, quorum origo ad certum proelium potest referri. Restant alia quae eidem aetati attribuere non dubitaverim: sed quae ad proelia referenda sint quaerens in incerto relinquir.

Huc pertinet primum tripus ille aheneus, cuius basis erant Persae marmorei. Eum Pausania (I, 18, 8) auctore Athenis in Olympieo fuisse constat¹⁾. Deinde commemoro fanum, quod erat Athenis, Erechthei²⁾, statuam Dianae *Σωτρίδας* Megarae³⁾ positam, statuam, quam ab Epidauriis⁴⁾ dedicata est Delphis, Apollinis.

Haec sunt, quantum scio, anathemata omnia quae ad bellorum Persicorum aetatem spectant. Eaque bella quantopere hominum animos moverint, quantum iniecerint terrorem, quanta victoriae admiratione totam Graeciam impleverint, ex ea re satis potest intellegi, quod et cuncti Graeci et civitates singulae tot statuas tabulas thesauros templa dona cuiusvis generis eaque amplissima et pretiosissima, ut quam gratissimos erga deos se praestarent, dedicaverunt.

Iam in ceteris anathematis enumerandis pergam.

480. Carthaginiensibus ad Himeram victis a Gelone Delphos statua Victoriae tripusque missi sunt⁵⁾. Idem Olympiae condidit thesaurum, in quo loricas linteas, numero tres, fuisse Pausanias⁶⁾ contendit. Alia quoque spolia antea ibi collocata esse, verisimile mihi videtur. Denique ad victoriam illam referuntur templa Cereris Proserpinaeque

und die unter dem Baume ruhig stehende Athene mit der Eule bezeichnet den Segen der weisheitspendenden Göttin, als die Quelle des Siegesmuths und der Siegeskraft der Athener.

1) Addo, a Furtwaenglero (act. Berol. Ac. 1879 p. 13 adn. 2) hunc tripodem, quippe cuius Persae e marmore Phrygio sculpti fuerint, aetati Hadriani attribui. Quae sententia rectare sit, nescio.

2) Herod. VII, 189; Paus. I, 19, 6; Ael. v. h. XII, 61.

3) Paus. I, 40, 2. 3.

4) Paus. X, 15, 1.

5) Athen. VI p. 231 f.

6) VI, 19, 7.

tria, quorum erant Syracusis¹⁾ duo, unum in Aetna monte²⁾. Si quis miretur, anathematum tam multorum unam victoriam fuisse causam, id sibi fingat, tyrannum illum id studuisse, ut et memoriam victoriae rebus quam diuturnissimis in perpetuum propagaret et divitias opesque ostenderet: neque enim illa donaria pietatis solius monumenta mihi esse videntur.

474. Hoc, si Diodori³⁾ fides est habenda, anno Hiero, Gelonis frater, Tyrrhenis ad Cumas victis Delphis⁴⁾ Victoriae statuum et tripodem collocandos curavit. Ex eadem victoria Olympiam ab eo complures missas esse galeas persuasum mihi habeo: quot fuerint, non constat. Effossae sunt tres, quarum in una titulus ille notissimus⁵⁾ legitur. Si autem Böckhius galeas in Geloorum thesauro⁶⁾ fuisse existimavit, equidem Carthaginiensium praeferam thesaurum, qui paullo ante a fratre illius condita⁷⁾ sit.

473. Tarentini Messapiis superatis feminis equisque aheneis⁸⁾ Apollinem Delphicum donaverunt. Ad idem fere tempus Peucetii quoque et Iapygii victi sunt a Tarentinis. Cui victoriae series complurium statuarum, quae erant Delphis, a Pausania⁹⁾ vindicatur.

472 — 469. Intra hos annos ab Eleis templum Iovis Olympici exstrui coeptum est. Confectum autem exstabat¹⁰⁾ iam anno 457. Hodie enim viri docti abnuerunt sententiam eorum qui, Pausaniae¹¹⁾ auctoritate freti, templum c. anno 570 incohatum per centum annos omissum esse statuerunt.

1) Diod. XI, 26.

2) l. l.

3) XI, 51.

4) Athen. VI p. 231 f.; 232 b.

5) C. J. G. I, 16 = Röhl n. 510.

6) cf. Paus. VI, 19, 15; A. Boetticher, Ol. p. 202.

7) cf. supra p. 59.

8) Paus. X, 10, 6.

9) X, 13, 10.

10) cf. A. Boett. l. l. p. 247.

11) V, 10, 2.

464. Priusquam tertium bellum Messenium inciperetur, Lacedaemonii, quasi victoriam sibi vindicantes, Iovis statuem¹⁾ dedicaverunt Olympiae. Nam quamquam Pausanias²⁾ ad secundum bellum referri eam vult, tamen hodie, titulo dedicatorio³⁾ effosso, ut statuamus saeculum V compellimur.

460. Athenienses, Peloponnesiis ad Aeginam victis, anathemate quodam⁴⁾ Iovem donaverunt Dodonaeum⁵⁾.

457. Atheniensibus sociisque ad Tanagram superatis Lacedaemonii Olympiae in Iovis templo deposuerunt clipeum⁶⁾.

440—420. Intra hos annos Tarentini Olympiae arma Thurinorum⁷⁾ hostium, Methanii Lacedaemoniorum⁸⁾ videntur dedicasse.

429. Phormio Atheniensis, postquam ad Naupactum vicit, unam navium hostilium⁹⁾ Antirrhii in Neptuni templo dedicavit. Athenienses ex eadem victoria statuem illius in arce¹⁰⁾ videntur mihi collocasse.

424. Hoc anno a tota Naupacti civitate Iuppiter Olympius Victoria Paeonii illa praeclarissima¹¹⁾ donatus est. Ad illas enim Sphacteriae res gestas, secutus e viris doctis Weilium¹²⁾ A. Boetticherum¹³⁾ alios, equidem statuam volo

1) Paus. V, 24, 3.

2) l. l.

3) Diar. arch. 1876 p. 49; A. Boett. p. 319.

4) quid sit dedicatum, perspicere non potest.

5) Diar. arch. 1878 p. 71 — 73; Carapanos, Dodone p. 47; Röhl n. 5.

6) Paus. V, 10, 4. Legas velim diar. arch. 1882 p. 179.

7) Diar. arch. 1879 p. 149: 1881 p. 83.

8) l. l. 1875 p. 181. Una restat hasta.

9) Thuc. II, 54.

10) Paus. I, 23, 10.

11) Paus. V, 26, 1; Röhl n. 348.

12) Diar. arch. 1876 p. 229.

13) Olympia p. 320—325.

relatam. Quamquam alias ab aliis¹⁾ sententias propositas esse haud ignoro. Ad eandem victoriam merito Victoria in arce Atheniensi²⁾ posita et scuta Lacedaemoniorum in poecile³⁾ suspensa referuntur.

Ante annum 422 Acanthii, victis Atheniensibus, thesaurum⁴⁾ condiderunt Delphis.

421. Ab Atheniensibus in poecile clipei Scionaerum hostium⁵⁾ suspensi sunt.

Ad idem fere tempus⁶⁾ dedicata sunt Olympiae anathemata haec: Victoria a Mantinensibus⁷⁾, ab Agrigentinis orantes pueri⁸⁾, Iuppiter a Clitoriis⁹⁾, ab Achaeis¹⁰⁾ et Apolloniatis¹¹⁾ complexus plastica arte effecti.

Paullo post annum 413 Delphis a Syracusanis thesaurus¹²⁾ coeptus est aedificari. Neque autem postea equus aheneus¹³⁾, quem Argivi, Lacedaemoniis ad Thyream victis, in templum miserunt Delphicum, est statuendus.

407. Lysander, victoria ad Notium parta, Spartae in porticu iuxta Minervae *Ἐργάνης* templum exstructa dedicavit Victoriae statuam¹⁴⁾

405. Idem, postquam ad *Αἰγὸς ποταμοῦς* vicit, aureas coronas singulas¹⁵⁾ Athenas et Delum misit. Ex eadem vic-

1) Curt. diar. arch. 1875 p. 178—181; Schubring l. l. 1877 p. 59—67.

2) Paus. IV, 36, 6.

3) l. l. I, 15, 4.

4) Plut. Lys. I, 18; id Pyth. or. 14; cf. Thuc. V, 10.

5) Thuc. IV, 130; V, 32; Diod. XII, 72, 76; Paus. I, 15, 4.

6) Cf. E. Löwy l. l. p. 6.

7) Paus V, 26, 6.

8) V, 25, 5.

9) V, 23, 7.

10) V, 25, 8—10: conspiciebantur novem illi heroes, Nestore praesente sortientes, quis cum Hectore certamen initurus sit.

11) V, 22, 3: Achilles cum Memnone pugnans.

12) Paus. X, 11, 5.

13) X, 9, 12; cf. Thuc. VI, 95.

14) Paus. III, 17, 4.

15) Plut. Lyr. 18; Böckh. Staatsh. II³ p. 251.

toria Apollini donavit Delphico triremem¹⁾ ex auro eboreque factam, quam sibi dederat Cyrus. Si quis haec dona in privatorum numero potius quam publicorum haberi vult, ei nil opponam. Sed certe aliud publicis est attribuendum Namque Pausania²⁾ auctore a Spartiatis duodeviginti statuæ et deorum et hominum — in his nomino Lysandrum Abantem Hermonem — Delphis dedicatæ sunt. Tripodes quoque duo Amyclis³⁾ positi huc spectant.

397. Pharax coronam dedicavit Apollini Delio⁴⁾.

394. Conon, postquam ad Cnidum vicit, in Piræo⁵⁾ fanum condidit Veneris, Iovis *Σοῦρῆρος* Athenis⁶⁾.

393. Hoc, si L. Urlichsium⁷⁾ sequimur, anno Argivi ob honorem victoriae ad Oenoe a Lacedaemoniis reportatae Delphis Septem illos adversus Thebas proficiscentes Epigonosque sculptos⁸⁾ dedicaverunt. Utrum autem ob eandem victoriam Athenienses in poecile tabulam illam, de qua Pausanias⁹⁾ verba dixit, suspenderint annon, diiudicare nequeo.

372. Hoc fere anno¹⁰⁾ Tegeatae, Lacedaemoniis victis, statuas et deorum et heroum domesticorum, numero omnino novem, basi coniunctas¹¹⁾ miserunt Delphos. Cui Tegeatarum — aut potius cunctorum Arcadum — victoriae attribuerim vincula quoque Lacedaemoniorum illa, quae Tegeae in Minervae *Ἀλέας* templo¹²⁾ ostendebantur. Attamen — id dicere mihi liceat — Marpessae feminae arma¹³⁾, in eodem

1) Plut. l. l.

2) X, 9, 7—10.

3) Paus III, 18, 8.

4) Bullet. VI p. 153.

5) Paus. I, 1, 3.

6) Isocr. Euag. 57.

7) N. Jahrb. f. Phil. u. Päd. 69 = 1854 p. 380. Cf. Brunn. I p. 294.

8) Paus. X, 10, 3. 4.

9) I, 15, 1.

10) Brunn. I p. 284. Cf. Löwy p. 6.

11) Paus. X, 9, 5.

12) VIII, 47, 2.

13) l. l.

templo suspensa, ad antiquiorem¹⁾ quandam occasionem referenda mihi esse videntur.

371. Thebani post pugnam Leutricam Delphis aedificaverunt thesaurum²⁾. Ad idem tempus cum Messene urbs condita esset, deus Delphicus ab Argivis³⁾ serie statuarum, quibus heroes domestici effecti sunt, donatus est. Huc quoque spectant Metroa Messenes et Megalopoli aedificata et Epaminondae statua in Asclepieo⁴⁾ eius urbis quam attuli posteriorem dedicata.

364. Elei, Arcadibus superatis, Olympiae dedicaverunt fanum⁵⁾, in quo Eilithyia dea Sosipolisque daemon una colebantur, et Elide cellam Sosipolidis solius⁶⁾; in hac cella extabat tabula, in qua pictus erat daemon. Ad eandem causam recentissime Purgoldius⁷⁾ alia quoque donaria usurpavit. Primum huc refert statuam pueruli cuiusdam sedentis illam, quam Pausanias⁸⁾ a Boëtho Carthaginiensi caelatam et e Philippeo in Heraeum translatam esse narrat. Ille igitur vir doctus puerulum fuisse Sosipolidem coniecit. Sed cum Philippeum conditum sit a Philippo rege⁹⁾ post pugnam ad Chaeroneam commissam aut potius ab Alexandro Magno¹⁰⁾, num statuam illam iam anno 364 sculptam esse potest explanari? Quare hanc Purgoldii coniecturam abnuerim. Deinde huic victoriae fanum statuamque Tyches, quae erant Elide¹¹⁾, attribuit. Neque autem ullum argumentum huic

1) VII aut. VI saec.; cf. M. Duncker V⁵ p. 270.

2) Paus. X, 11, 5.

3) X, 10, 5.

4) IV, 31, 10.

5) VI, 20, 5.

6) Paus. VI, 25, 4.

7) In Dissertatione „Olympische Weihgeschenke“, quae legitur in „Festschr. f. E. Curtius z. s. 70. Geburtst.“ (1884.)

8) V, 17, 4.

9) V, 20, 10.

10) A. Boett. Ol. p. 343. 351 sqq.

11) Paus. VI, 25, 4.

sententiae est impedimento. Tum Mercurii statuam illam nuper effossam, quam a Praxitele esse sculptam constat, huc refert. Idne sit rectum, diudicandi viri huius rei peritiores¹⁾ ad suum referant arbitrium. Quarto loco Iovis statuam affero Olympiae sub divo collocatam. Hanc Pausanias²⁾ ab Eleis post Arcades victos dedicatam esse narrat. Quae victoria utrum eadem ac ea, de qua agitur, fuerit an alia, disceptari mihi non posse videtur. Denique Purgoldius Metroum, quod erat Olympiae, sibi vindicat, meritone nescio. Neque autem coniecturam ab A. Boettichero³⁾ propositam puto esse praetermittendam. Coniecit enim, Metroum illud a Ptolemaeo Philadelpho et Arsinoë sorore esse dedicatum.

346. Phocensibus bello sacro superatis, ab Amphic-tyonibus⁴⁾ Delphis duae Apollinis statuæ, statua Herculis dedicatae sunt a Thebanis⁵⁾

335. Alexander Magnus e praeda Thebana in Apollinis templum⁶⁾ quod erat Cymis, multas lucernas in candelabro pendentes misit; idem

334 victoria ad Granicum flumen parta, Athenas trecentos clipeos⁷⁾. Hic commemorare mihi liceat, Dii in oppido statuas equestres basi coniunctas, numero viginti quinque⁸⁾, ad idem tempus collocatas esse; hae statuæ potius honorariis quam anathematis sunt attribuendae. Sed anathematum loco lorica illa et iacula, quae Pausania⁹⁾

1) Cf. Boett. l. l. p. 327.

2) V, 24, 3.

3) l. l. p. 374 et 375: „Er ein Hypochonder mit mystischen Neigungen, sie nichts Besseres wünschend als Vergessen der Vergangenheit und Versenken in ein geheimnissvolles Traumleben.“

4) Paus. X, 15, 1, 7.

5) X, 13, 6.

6) Plin. h. n. XXXIV, 8.

7) Plut. Alex. 16; cf. Arr. anab. I, 16, 7.

8) Plut. l. l.; Arr. l. l.

9) Paus. VIII, 28, 1.

auctore Gortyne erant in Asclepieo, habentur. Haec autem dona post pugnam ad Granicum commissam eo missa esse, mea est coniectura.

330. Equites Orchomenii, ab Alexandro domum remissi, anathemate quodam¹⁾ donaverunt Iovem Σωτήρα²⁾, Thespiaci, quibus acciderat idem, Iovem tripode³⁾.

326. Alexander, postquam ad Hydaspem flumen vicit, elephantum Pori regis in Solis templum, quod erat Taxilae⁴⁾, ducendum curavit.

322. Bello Lamico confecto Athenienses in templo Iovi et Minervae communi, quod erat in Piraeo, Arcesilai tabulam, in qua Leosthenes filiique cum hostibus pugnantes conspiciebantur⁵⁾, suspenderunt.

300. Eleiatae, postquam urbem a Cassandro obsessam liberavit Olympiodorus, Delphis leonem dedicaverunt aeneum⁶⁾. Eadem de causa illius statuum loco eodem⁷⁾ posuisse mihi videntur. Cuius altera statua compluribus annis post — 288 — Athenis in arce⁸⁾, tertia in prytaneo⁹⁾ collocata est Tabulae quoque honore est affectus. Eleuside enim eum pictum fuisse in Cereris templo¹⁰⁾ nobis traditum est. Ad easdem res anno 288 gestas Leocriti, qui in pugna ceciderat, clipeus in porticu Iovis Ἐλευθερίου¹¹⁾ suspensus est referendus.

1) quid fuerit, perspicui non potest.

2) Bullet. III p. 453.

3) l. l. p. 457. 458; Anthol. Pal. VI, 334.

4) Philostr. vit. Apoll. II, 12.

5) Paus. I, 1, 3; 25, 4.

6) X, 18, 7.

7) I, 26, 3.

8) Paus. I, 26, 3.

9) I, 25, 2. Prytaneum non tam locum profanum quam sacrum, quodammodo, ut ita dicam, Vestae templum, persuasum mihi habeo. Cf. G. Hagemann, de prytaneo (Diss. Berol. 1880).

10) Paus. I, 26, 3; Plin. h. n. XXXV, 40, 29.

11) Paus. I, 26, 2.

280/79. Aetoli, Gallis et Acarnanibus victis, Delphis dedicaverunt statuas permultas, tropaeum, arma hostium; statuæ autem sunt et ducum et deorum et feminae cuiusdam, quæ videtur Aetolia fuisse¹). Ex iisdem proeliis Atheniensium quoque et Phocensium, qui a parte Aetolorum stabant, dona duxerunt originem. Athenienses Cydiae cuiusdam, qui fortiter pugnans ceciderat, clipeum in Iovis *Ἐλευθερίου* porticu²) suspenderunt, dedicaverunt Aleximachi ducis statuam Delphis Phocenses³).

274. Pyrrhus rex, postquam Macedones et Gallos vicit, horum arma quasi victoriae tributum in Minervæ *Ἰωνίας* templum⁴), illorum in Iovis Dodonæi aedem⁵) misit. Duobus annis post Pyrrhi, postquam cecidit, clipeus, ut suspicor auctoribus Argivis liberatis, Argis ad templi Cereris ianua⁶) suspensus conspiciebatur.

Venio ad donaria ea quæ reges Pergami Gallis identidem victis dicaverunt. Hoc loco ut accuratius in hoc inquiram fieri non potest. Respicias velim volumina quæ Conze Humann alii viri doctissimi de iis quæ Pergami in lucem prodierunt iuris fecerunt publici⁷). Donaria autem, quæ huc spectant, erant et Pergami et Athenis. Huc misit Attalus I quattuor illas statuarum series⁸), Gigantomachiam, ut ita dicam, Amazonomachiam, Galatomachiam, Marathomachiam, et in eadem urbe Attalus II porticum⁹) exstruendam curavit. Pergami erant opera longe plurima

1) Paus. X, 15, 2; 16, 4. 6; 18, 7; 19, 4; 20, 4; 22, 3. 4.

2) X, 21, 5. 6.

3) X, 23, 3.

4) Paus. I, 13, 2. 3; Plut. Pyrrh. 20.

5) Paus. I, 13, 3. Hic in titulo v. 3 recipio coniecturam a P. Foucartio (Bullet. VI p. 167) propositam: *Ναῖω* sive *Νάω* pro *ναῶ*.

6) Paus. II, 21, 4.

7) Overbeckii (Gr. Plast. II³) cupiam rationem habeas.

8) Paus. I, 25, 2. De statuīs autem, non ectypis agi A. Michaelis (Mitth. II p. 5—15) optime mihi ostendisse videtur.

9) Adler, Zeit. f. Bauwesen 1875 p. 17 sqq.

omniaque in arce. Satis mihi est, multis statuīs, quarum bases titulis¹⁾ praeditae repertae sunt, praetermissis, attulisse aram Iovis illam praeclarissimam, quam dicaverat Eumenes II, et porticum ab Attalo II Iovi Minervaequae *Νικηφόρου* consecratam. Uno denique verbo commemorare mihi liceat, in Europae Museis statuas, quae sine ulla dubitatione ad huius aetatis opera possunt reduci, inveniri²⁾. Atque duae gloria fruuntur summa: Gallus moriens, qui extat in Museo Capitolino, et Arria Paetusque, qui complexus cernitur in Villa Ludovisi. Plura verba de Pergamenorum donariis non faciam.

206. Mantineae incolae tropaeum consecraverunt Neptuneo³⁾.

146. Mummius ex Achaeorum et Corinthiorum praeda ad templum Iovis Olympici clipeos viginti unum⁴⁾ suspendit et intus dei statuam⁵⁾ dedicavit.

31. Postremum affero exemplum Veneris *Συμμαχίας* templum⁶⁾, quod Mantinenses, socii Romanorum, victoria ad Actium parta condiderunt.

Hactenus de anathematis ad bella spectantibus. In iis enumerandis me non eum contenderim fuisse, qui omnia nominarem. Neque enim meum expleturo opusculum erit difficile, hic illic nonnulla intercalare exempla. Sed eorum quae maximi sunt momenti, non me ullum⁷⁾ effugisse existimo. Respiciamus nunc ad exempla enumerata. Mos post proelium quodque feliciter peractum deo cuidam aliquid

1) Cf. L. v. Ulrichs, Pergamenische Inschriften (Wuerzb. 1883).

2) Cf. Brunn, annali 1870 p. 292 sqq; O. Benndorf, Mittheil. I p. 167—171.

3) Paus. VIII, 10, 8.

4) V, 10, 5.

5) V, 24, 4.

6) VIII, 9, 6.

7) Exceptis anathematis nonnullis, quibus certam adscribere aetatem non possum. Huc refero, ut uno utar exemplo, thesaurum a Cuidiis Delphis conditum (Paus. X, 11, 5).

publice dedicandi apud Graecos ab antiquissimis temporibus multa per saecula valuit usque ad Romanorum principatum. Neque autem ultra annum 31 a. Chr. in hac re progrediendum mihi esse videbatur. Quod vero ceteris saeculum quintum praestat, e rerum natura potest intellegi. Illo enim saeculo et Graeci bellis gravissimis, velut erat Persicum et Peloponnesiacum, vexabantur et artes summum ad florem perveniebant. Quaestio nimium procul esse non videtur, omninone saeculo quinto donaria orta sint plurima. Attamen hoc nondum loco eam disceptare possum. Longe autem plurima donaria tum demum, cum proelium bene peractum sit¹⁾, data esse quamquam concedendum est, tamen negari non potest, esse aliqua quae in proelio suscipiendo ut auxilium peteretur a diis oblata sunt. Quod attinet ad loca ad quae comportabantur donaria ubi condebantur, ab iis quae loco sacro omnibus Graecis communi, velut erat Delphi, Olympia, Dodona, ea internosci debent, quae in victorum urbe²⁾ collocabantur. Id pro certo est habendum, anathemata ubi dedicarentur praescriptum esse nunquam locum. Accedo ad alias quaestiones. Quaerenti, quibusnam diis imprimis dari solerent anathemata, ea res mira non esse videbitur, quod Iuppiter Apollo Minerva palmam semper acceperunt. Id quoque facile potest explicari, Neptuno aliquid post pugnam navalem et heroum³⁾ suo cuique loco esse dedicatum. Sed graviore afficimur admiratione, quod Marti, vero et iusto ut ita dicam pugnarum patrono, nul-

1) Cf. Curt. loco saepius laudato p. 363: „Die Errichtung des Weihgeschenks war gewissermassen eine Vervollständigung des Sieges, eine öffentliche Anerkennung desselben als eines bedeutenden und rühmlichen.“

2) Megarenses, ut unum repetam exemplum, rostrum aheneum in Jovis templo, quod erat in urbe sua, deposuerunt.

3) Cf. Jul. Wassner, de heroum apud Graecos cultu (dissert. Kiel. 1883).

lum¹⁾ unquam anathema ob belli occasionem datum est. Quin etiam extat titulus, in quo victoria nominatur ἔργον Ἄρεος: nihilominus tripus, de quo agitur, Iovi Ἐλευθερίῳ²⁾ consecratur. Denique cuiusnam generis fuerint anathemata consideremus. Occurrerunt nobis res et vilissimae et pretiosissimae: clipei, loricae, galeae, arma, ut complectar, cuiusvis speciei, coronae, tripodes, tabulae pictae, statuae, opera maioris amplitudinis sculpta, thesauri, templa. Accuratus in hanc rem inquisivit E. Curtius³⁾, qui genera anathematum statuit quattuor; respicias velim huius viri doctissimi dissertationem. Equidem hoc loco de operibus sculptis et pictis tabulis, quatenus pugnas nobis ante oculos proposuerunt, pauca addam. Operum sculptorum dedicatio cum vetustior sit, priorem obtineat locum. Ex his antiquissimum quod attulimus exemplum c. anno 550 a. Chr. debuit attribui: Hercules et Achelous conspiciebantur pugnantes. Atque pari modo cetera opera res e mythorum aetate depromptas exhibent, cum dii heroesque modo acriter pugnant modo parant proelium modo placidos quietosque se praebent. Interdum cum diis heroibusque viri historiae fide noti inveniuntur commixti: lectorem admoneo Miltiadis heroumque Atticorum et Lysandri aliorum deorumque illorum. Ars igitur statuaria (id mihi dicere licebit) quotiescumque agitur de symplegmatis⁴⁾ in personis mythicis

1) Illa enim Martis statua supra initio allata hic revera vindicari non potest.

2) Plut. Arist. 19. — Simile quoddam valet de anathemate privato: intellego Hegelochum Atheniensem, qui statuam suam tanquam μνῆμα πόλεως Ἄρεος dedicat Minervae (C. J. A. I, 374).

3) l. l. p. 363 sqq.

4) Pro vocabulo Germano „Gruppe“ Latini habent non vocabulum: „symplegma“, quod apud Plinium (h. n. XXXVI, 5, 24. 35) extat,

figendis libentissime versabatur. Postremum id genus exemplum tertium saeculum nobis praebuit: intellego Attali donaria Athenis dicata. Eodem tempore prima pugnarum historicarum exempla invenimus: sunt donaria quae idem Attalus loco eodem curavit collocanda. Nunc autem, ut erat propositum, ad tabulas pictas. E quibus vetustissima, in qua res revera gestae, non mythicae ante oculos nobis propositae sint, contraria est operibus illis statuariis. Sed paullo post hanc tabulam, i. e. annos 493—490, iam tabulae, quae pugnas proponunt mythicas, inveniuntur: sunt illae templi Minervae *Ἀρσείας* tabulae, quas anno attribui 479. Et posterioribus temporibus pugnae historicae et mythicae in tabulis pictae sunt passim ita ut de certo temporis termino dici non possit.

Hactenus agitur de anathematis ad bella pertinentibus. Continuemus anathemata, quorum auctores e calamitate quadam se expediverant, enumeranda. Ad tyrannos expulsos exempla spectant duo. Athenienses post annum 510 a. Chr. in arce leaenam¹⁾, ab Amphicrate sculptam, ad memoriam Leānae, amicae Aristogitonis, servandam collocaverunt. Aetate multo recentior²⁾ est statua Cylonis, quam Olympiae dedicaverunt Aetoli³⁾ De hoc viro, qui Eleos ab Aristotimo tyranno liberaverat, conferas velim *Bullet.* IV p. 43—46. Plura numero sunt anathemata propter luem restinc-

e lingua Graeca est depromptum. Supra nonnunquam vocabulis „series“ et „complexus“ usus sum. „Syntagma“, quod apud Koepium „de Gigantomachiae etc. usu“ 1883 p. 5 inveni, mihi non placet.

1) Paus. I, 23, 2; Plut. de garrul. VIII; Plin. h. n. XXXIV, 72. Sed statuæ Harmodii et Aristogitonis illae praeclarissimae erant honorariae.

2) c. anno 240 a. Chr. attribuenda est.

3) Paus. VI, 14, 11.

tam dicata. Cleonaei¹⁾ haedum Delphis aheneum, statuam Mercurii *Κροτόρον* domi dedicaverunt Tanagraei²⁾. Quodsi quin duo haec exempla recte nobis tradita sint dubitari non potest, certe mirum esse videtur, si ad unam eandemque luem, gravissimam illam Atheniensem, magnum donariorum numerum referri a veteribus scriptum videmus. Donaria autem sunt haec: Athenis Hercules *Ἀλεξίνακος*, ab Agelada sculptus³⁾, et Apollo *Ἀλεξίνακος*, Calamis opus⁴⁾; Phigaliae templum Apollinis *Ἐπιχουρίου*⁵⁾; Elide Apollinis *Ἀκείοιου* templum⁶⁾; Troezenes Panis fanum *Λεηρίου*⁷⁾. Conferuntur ea quae Brunnius⁸⁾ de his donariis disseruit. Equidem id solum commemoraverim ex iis ad illam luem referri non posse alia, quod artifices iamdudum artem suam non exercuerint, alia, quod regiones quae nominantur peste prorsus non vexatae sint. Omnia igitur, quae ad pestem illam Atheniensem dicuntur spectasse, immerito huc referuntur. Quamquam ea post alias lues restinctas dicata esse potest concedi. Locustis depulsis Phidiam Apollinis *Παγνοπίου* statuam finxisse, quae in Atheniensium arce stabat, auctor est Pausanias⁹⁾, qui, ut est rerum gravissimarum saepe neglegens, utrum haec statua publice an privatim dicata sit non tradit. Sola igitur coniectura eam ex aerario publico expensam esse possum consequi. Post siccitates longi temporis sepositas Athenis in arce statua *Γαλας* supplicii gestu a Iove pluviam petentis posita est¹⁰⁾. Si eum titulum, qui C. J. A. III, 1 n. 166 extat, huic attribuere statuae

1) Paus. X, 11, 5.

2) IX, 22, 1.

3) schol. Arist. Ran. 504; Tzetz. Chil. VIII, 191.

4) Paus. I, 3, 4.

5) VIII, 41, 7. 8.

6) VI, 24, 6.

7) II, 32, 6.

8) I, p. 66—68.

9) I, 24, 8.

10) Paus. I, 24, 3.

possumus, anathema Hadriani aetate ortum est¹⁾. Haec sunt donaria, quorum auctores e calamitate quadam se expediverant. Accedunt donaria, quae ad calamitates nondum sepositas, sed aut instantes aut futuras spectant. Spartae cum Eurotas flumen super ripas effunderetur ex oraculi responso fanum Iunonis Ὑπερχειρίας dicitur conditum esse²⁾. Epidaurii³⁾ ne diutius infertilitate humi opprimerentur domi statuas Δαμίας et Ἀξησίας, Phliasii⁴⁾ ne vites oriente Caprea vexarentur capream dedicaverunt aheneam. Ne poenis deorum afficerentur Lacedaemonii statuas Pausaniae duas, quia caedes ab eo perpetrata mansisset inexpliata, oraculi Delphici iussu prope ad Minervae Χαλκιοίκον templum collocaverunt⁵⁾. Simili consilio metoei Athenienses in arce aram Ἀντέρωτος qui vocatur daemonis⁶⁾ condiderunt. — Omnia anathemata, quorum dedicatio cum incommodis aut sublatis aut prohibendis cohaeret, in eo consentiunt, quod pro commodis quoque acceptis accipiendisve quodammodo videntur dedicata. Restant autem donaria duo, in quibus dici potest solum de commodis. Siphnii⁷⁾ e parte decima lucri, quod fodina auraria sumpserant, Delphis aedificaverunt thesaurum. Corcyraei⁸⁾ pro bono piscatu taurum aheneum Delphis, Olympiae alterum dedicaverunt; taurus enim mugitu locum largae praedae denotaverat.

1) Cf. Ernesti Kuhnert opusculum „Statue und Ort“ (Jahrb. f. cl. Phil. 1884) p. 276 adn. I: „Die Statue wird aber sicher viel älter sein: Paus. hätte es wohl ausdrücklich bemerkt, wäre sie ein Werk seiner Zeit gewesen; auch müsste dann noch der Anlass der Weihung zu erfahren gewesen sein.“

2) Paus. III, 13, 8.

3) Herod. V, 82.

4) Paus. II, 13, 6.

5) Paus. III, 17, 7—9.

6) I, 30, 1.

7) Herod. III, 57; Paus. X, 11, 2.

8) Paus. X, 9, 3. — V, 29, 9.

2. Secundo persequamur loco hominum statuas publice locis sacris positas. Quin hae Graecis honorem et hominum, quibus ponebantur, et deorum, in quorum fanis stabant, una complecti viderentur, non dubitaverim. Ut autem verbis utar aliis, illis statuis honorariarum et anathematum attribuebatur coniunctio. Nobis quidem recentioribus haec displicet. Neque enim contraria duo illa esse coniuncta possumus existimare. Et hoc loco conferantur, quae Kuhnertius locis libelli modo¹⁾ laudati duobus²⁾ diseruit. Hi loci inter se dissentiunt. Mea igitur sententia, ut repetam, est Graecis hominum statuas publice locis sacris positas complexas esse una honorem et divinum et humanum. Exempla ad afferenda nunc accedo. Neque autem quin compluria ab aliis³⁾ enumerata repetam facere possum. Alia ipse supra, ubi de anathematis ad bella spectantibus agitur, laudavi. Vetustissima exempla — ut de statuis Cylonis⁴⁾ et Cleobis Bitonisque⁵⁾ taceam — quinto a. Chr. saeculo attribuenda sunt. Sunt statuae hae:

Athenis Xanthippi⁶⁾ et Phormionis⁷⁾ ducum.

Delphis Daiphantae Rhoei Miltiadis Lysandri aliorum⁸⁾ ducum, Telliae vatis, Scyllidis Hydnaeque.

1) p. 31 adn. 1.

2) p. 264: „Die Errichtung von Statuen hat den Hauptzweck, immerwährend an die Verdienste des Geehrten zu erinnern“ et p. 279: „Die Statue, welche einer Gottheit als Anathem dargebracht wird, soll doch in Wahrheit nicht den dargestellten Menschen, sondern klarer Weise allein die Gottheit ehren.“

3) H. Köhler, Ges. Schr. VI p. 308—313; Kuhnert l. l. p. 268 et 269.

4) Cf. Kuhnert p. 278.

5) Dütschke in diar. „Arch. epigr. Mitth. aus Oest.“ 1883 p. 153 bis 159; Kuhnert p. 279 adn. 2.

6) Paus. I, 25, 1.

7) supra p. 19 adn. 10.

8) p. 21 adn. 2.

Ephesi Lysandri Eteonici aliorum¹⁾ Cononis Timotheique²⁾ ducum.

Olympiae Lysandri³⁾ Alcibiadis⁴⁾ Hieronis⁵⁾ et puerorum triginta quinque cum magistro et tibicine, qui navigio perierant omnes⁶⁾.

Plataeis Arimnesti ducis.

Syracusis Gelonis⁷⁾.

E saeculi quarti statuis gravissimae sunt hae:

Ephesi Pharacis ducis⁸⁾.

Messenēs Epaminondae; una erat in Hierothy-sio⁹⁾, in Asclepieo altera.

Olympiae Archidami regis¹⁰⁾

Tertio saeculo adscribantur oportet hae:

Antiochiae Seleuci Antiochique Epiphanis¹¹⁾ regum.

Athenis Olympiodori ducis¹²⁾.

Coroneae Antiochi regis¹³⁾.

Deli Oaxii cuiusdam¹⁴⁾ et Callicratis Samiorum nauarchi¹⁵⁾.

1) Paus. VI, 3, 15.

2) VI, 3, 16.

3) VI, 3, 14.

4) VI, 3, 15.

5) VI, 15, 6.

6) V, 25, 3. 4.

7) Ael. v. h. VI, 11; XIII, 37.

8) Paus. VI, 3, 15; cf. Bullet. VI p. 153.

9) Paus. IV, 32, 1.

10) Paus. VI, 4, 9; 15, 7.

11) Liban. 61, 335.

12) una erat in arce, in prytaneo altera.

13) Liv. XXXVI, 20.

14) Bull. IV p. 350.

15) l. l. p. 325.

Delphis Olympiodori Patronis¹⁾ Philopoemēnis²⁾ Eurydami Polyarchi Polyphronis Lacratis Aleximachi ducum.

Ilii Antiochi regis Σωτήρος³⁾.

Megalopoli Diophanis⁴⁾

Olympiae Demetrii regis Antigoni filii⁵⁾ Philhetaeri⁶⁾ Cylonis Dropionis⁷⁾ Arati⁸⁾.

Saeculo secundo ortae sunt hae statuae:

Athenis Ptolemaei Philometoris⁹⁾.

Deli C. Ofellii Feri cuiusdam¹⁰⁾ Ammonii sacerdotis¹¹⁾ Epigenis¹²⁾ Diogenis¹³⁾.

Delphis Q. Cosconii cuiusdam¹⁴⁾

Elide Attali III regis¹⁵⁾.

Olympiae Polybii¹⁶⁾.

Pergami Attali iuvenis, postea nominati secundi¹⁷⁾.

-
- 1) Paus. X, 33, 3.
 - 2) Plut. Philop. 10.
 - 3) C. J. G. II, 3595.
 - 4) Paus. VIII, 30, 5.
 - 5) Paus. VI, 15, 7.
 - 6) Diar. arch. 1878 n. 194.
 - 7) Diar. arch. 1877 n. 37.
 - 8) Paus. VI, 12, 5.
 - 9) C. J. A. II, 464.
 - 10) Bull. V p. 391.
 - 11) l. l. p. 463; cf. III p. 372.
 - 12) Bull. IV p. 220.
 - 13) l. l. p. 221.
 - 14) Bull. VI p. 448 n. 77.
 - 15) *μουσ. και βιβλ.* 1880 p. 140 n. 186.
 - 16) Diar. arch. 1878 n. 112.
 - 17) Ulrichs l. l. n. 17.

Ad primum a. Chr. saeculum pertinent hae:

Deli Iuliae Caesaris filiae¹⁾

Delphis Nicopolitani civis, cuius nomen non iam extat²⁾.

Olympiae P. Alphii Primi³⁾ Augusti⁴⁾ C. Servilii Vatia⁵⁾ Q. Anchariae⁶⁾ Polybii⁷⁾.

Perges Alexandri sophistae⁸⁾.

Hactenus de statu is ante Christum natum positus. Complures quoque post Christum dicatae extant. Primo p. Chr. saeculo statuas attribuerim has:

Cnidi sacerdotis cuiusdam⁹⁾

Delphis Marcelli Claudii¹⁰⁾, Andronici Thessali¹¹⁾.

Olympiae M. Maecilii Rufi¹²⁾, Antimachi Atheniensis¹³⁾, Cleogenis Argivi¹⁴⁾.

Ad secundum spectant saeculum hae:

Athenis Trebellii Rufi¹⁵⁾ et Hadriani¹⁶⁾.

Deli Traiani¹⁷⁾ et Hadriani¹⁸⁾.

1) Bull. IV p. 443 n. 26.

2) Bull. VI p. 450 n. 80.

3) Diar. arch. 1878 n. 38.

4) l. l. 1877 n. 33.

5) 1878 n. 113.

6) n. 114.

7) 1877 n. 101.

8) Philostr. vit. Apoll. II, 7.

9) Lebas III, 1572.

10) Bull. VI p. 449 n. 78.

11) l. l. p. 450 n. 81.

12) Diar. arch. 1879 n. 263.

13) 1878 n. 170.

14) n. 139.

15) C. J. A. III, 1 n. 623, ubi ut eius statuæ in omnibus urbis templis ponerentur decretum est.

16) Eius erant ibi statuæ permultae, una in Parthenone (Paus. I, 24, 7), in Jovis Olympii templo ceterae (I, 18, 6; cf. E. Kuhnert, de cura statuarum apud Graecos 1883 p. 23).

17) Bull. IV p. 428 n. 7 = C. J. G. 2178.

18) Bull. IV. p. 429 n. 9. 10.

Olympiae Gorgili Elei¹⁾, Antoniae Cleodices²⁾,
Traiani³⁾, Hadriani³⁾.

E statuis tertii commemoraverim has:

Olympiae T. Flavii Polybii sacerdotis⁴⁾.
Samiae in Lemni urbe C. Vibii⁵⁾.

Quod attinet denique ad quartum saeculum, multarum
Iuliani⁶⁾ statuarum lectorem admonuerim.

Haec sunt exempla quae memoratu mihi videntur dignissima. Mirari licet a tertio a. Chr. saeculo ineunte novum quasi statuarum genus nasci, quod a saeculorum V et IV plane sit alienum. Etenim omnes fere horum saeculorum statuae ob honorem eorum qui vel duces vel milites in re militari floruerunt dedicabantur: unum alius generis restat exemplum, statuae puerorum navigio mortuorum. Neque autem hoc exemplum ab illis ad bella spectantibus abhorret. Omnibus enim aliquid sancti, ut ita dicam, commune esse contenderim. Hoc loco admoneo lectorem, quod post bella bene peracta Graeci piissimis erga deos animis erant affecti; illos pueros periisse cum ad legationem missi essent votivam constat. Omnibus, ut repetam, saeculorum V et IV statuis commune est aliquid sancti. Id est, cum hominum honore una complectebantur honorem deorum. Quin etiam quispiam in iis divinum honorem praevaluisse dixerit aut eas positas esse, ut Pausaniae⁷⁾ verbis utar, *τιμῇ τῇ ἐς* (sive *πρὸς*) *τὸ θεῖον*. Ab ineunte saeculo III a. Chr. ut, iam dixi, novum quasi statuarum genus nascitur: nobis occurrunt statuae regum, tyrannorum, privatorum, qui rei-

1) Diar. arch. 1878 p. 41 n. 122.

2) 1877 n. 66.

3) Paus. V, 12, 4.

4) Diar. arch. 1877 n. 102.

5) Bull. VIII p. 467.

6) Liban. or. XVIII.

7) V, 21, 1; 25, 1.

publicae unquam bene fecerant aut fecisse videbantur. Id est, a saeculo tertio in statuis hominum locis sacris positis sanctum illud magis magisque evanescere coepit. Praevalidat autem honor humanus: statuae, ut rursus Pausaniae¹⁾ utar verbis, ponebantur potius τιμῇ τῇ ἐς αὐτοὺς χάριτι quam τῇ ἐς τὸ θεῖον. Neque autem unquam illa coniunctio desiit prorsus. Et novissimis ipsis temporibus hominum statuae locis sacris publice positae aliquid sancti et inlaesi prae se ferebant. Statuae enim mere, ut ita dicam, honorariae semper positae sunt locis profanis²⁾.

Sic gravissima e publicis iisque extraordinariis anathemata a me allata esse puto. Priore perlustravi loco donaria omnia quae ad incommoda sublata tollendave et commoda accipienda accipiendave spectant. Quibus anathematis omnibus est commune, ea deorum modo honorem respexisse. Deinde secundo loco veni ad statuas hominum sacris locis positas. Eas ob honorem et deorum et hominum, modo humano modo divino praevalente, dedicatas esse satis mihi exposuisse videor. In alias quaestiones³⁾ inquirere nolo, cum in hac dissertatione solam eam „qui anathematum Graecorum esset usus“ mihi proposuerim. Quamobrem occasionum, unde anathemata duxissent originem, habui rationem.

2. de privatis.

Restat, ut ex anathematis extraordinariis ea quae privatim dedicata sunt perlustrem.

1) V, 25, 1.

2) Cf. Kuhnert l. l.

3) Nonnulla perstrinxi supra.

1. Incipio a donariis ad amorem coniugiumque pertinentibus sive, ut breviter dicam, a vita connubiali. Moris, qui nullo tempore intermisso per totam Graeciam pervulgabatur, vetustissimi videtur fuisse, a virginibus paullo antequam in matrimonium ducerentur oblectamenta, praesertim pupas¹⁾, Dianae aut Minervae, id est deabus virgineis, donari. Cf. Anth. Palat. VI, 202. 280 et ea quae O. Iahnus ad Pers. sat. II, 70 disseruit. Sed alia quoque dona a virginibus dedicata esse memoriae proditum est. Argis crines suos in Minervae templo²⁾, Megarae in Iphinoes sepulcro³⁾ deponere simulque zonam dedicare Minervae *Ἀπατοριᾷ*⁴⁾ solebant virgines in matrimonium ducendae. Neque autem aliud unquam mihi egisse videntur nisi id, ut e pristinis ludis excessurae et graviora officia subiturae animos earum dearum, quas sequentes usque vixissent, placarent.

Sequuntur anathemata cum nuptiis ipsis arctius cohaerentia. Et primum quidem exempla mythicae aetatis afferam. Pelops, in matrimonium ducturus Hippodamiam, Temni statuam Veneris⁵⁾ et, postquam res bene evenit, myrtum virentem⁶⁾ consecrasset dicitur. Ulixi, simul cursus certamine Penelopen sibi comparavit, tria Minervae *Κελενθρίας* fana intervallis disiuncta statuaque deae una attribuuntur. Menelaus, iterum cum Helena uxore coniunctus, statuas Themidis⁷⁾ et Praxidices dedicavit in Veneris *Μιγωνίδος* templo, quod, situm ad Gythium, a Paride adultero cum Menelai lectum conquinasset conditum esse dicebatur⁷⁾. Ad

1) κόραι.

2) Stat. Theb. II, 253.

3) Paus. I, 43, 4.

4) II, 33, 1.

5) V, 13, 4.

6) III, 12, 4.

7) Sic lego, Kuhnertium (Jahrb. f. class. Phil. 1884 p. 252 adn. 3) secutus lectione *Θέτιδος* abnuta. — Paus. III, 22, 2.

hoc legas velim quae dixit Kuhnertius¹⁾. Liceat mihi simile quoddam exemplum addere. Ab Hypermnestra, quae, a Danao patre ob Lynceum servatum in ius vocata, absoluta esset, Argis statua Veneris dicitur deposita, esse in eodem templo, quod antea pater consecraverat Apollini *Αντίρ*²⁾. Eadem eodem loco fanum Dianae *Πελοῦς*³⁾ narratur condidisse. Denique ad coniugium spectat statua Pudicitiae (*Αἰδοῦς*) prope ad Spartam posita. Eam enim ab Icario, cum Penelope filia Ulixi nupsisset, dedicatam esse Pausanias⁴⁾ est testis. Haec sunt anathemata aetati mythicae attributa. E donariis historiae fide comprobatis hic manus illas votivas, in quibus duae personae super aram manus inter se iungentes exaratae sunt⁵⁾, commemorandas esse puto.

Aliud donariorum genus ad liberorum et partus⁶⁾ et bonam valetudinem pertinet. Ad Phaedram referuntur statuae Ilithyiae duae Athenis collocatae⁷⁾, ad Helenam fanum eiusdem deae Argis conditum⁸⁾. Mulieres Eleae, cum per diu liberis caruissent, tandem gravidae domi templum Minervae *Μητρός*⁹⁾ condiderunt. Complures quoque manus votivae huc spectant, sub quarum radicibus puerpera cum infante lactente potest conspici¹⁰⁾. Ut autem iam dixi, donaria extant etiam ad liberorum bonam valetudinem spectantia. Titanes matres statuam Hygieiae ut sanitatem liberorum impetrarent crini-

1) l. l. p. 252: „Eine ungewöhnliche, in Griechenland durchaus beispiellose Impertinenz, die unzweifelhaft nur in den Hirnen von Exegeten ausgeheckt sein kann.“

2) Paus. II, 19, 3. 6.

3) II, 21, 1.

4) III, 20, 10.

5) Cf. O. Jahn in diar. „Sitzber. Sächs. Ges.“ 1861 p. 101 m.

6) Cf. Bartholini, de puerperio veteri (1676).

7) Paus. I, 18, 5.

8) II, 22, 7.

9) V, 3, 3.

10) Cf. O. Jahn l. l. p. 101. 102. 104.

bus suis solebant redimere. Ita factum est, ut paullatim vix quidquam statuae posset cognosci.¹⁾ Accedunt multi tituli, ubi a mulieribus aliquid Ilithyiae aut Hygieiae dicari legimus; hi tituli plerumque in ectypis inveniuntur.²⁾

In fine huius partis anathemata commemorentur meretricum. Polyxena quaedam speculum Iovi dedicavit Dodonaeco.³⁾ Quamquam autem hoc unum exemplum titulo reperto notum nobis est, morem specula deo aut deae alicui dedicandi latius valuisse persuasum mihi est. Atque ex epigrammatis nonnullis, quae in Anthologia legimus⁴⁾, potest conici, meretrices speculum suum, quo semet crebro contemplatae erant, extincta venustate ac pulchritudine deis, qui eas impertissent sibi, dedicasse aut potius reddidisse. Per se patet plerumque Venerem illo dono esse donatam. Polyxena autem illa aut prope Dodonam habitavit aut eo iactationis processerat, ut in numero eorum qui templum illud sacerrimum locupletabant donis haberi vellet. Neque autem multo post — titulus Polyxenae ineunti saeculo V a. Chr. attribuendus est — duarum meretricum, quarum nomina totam per Graeciam pervulgabantur, donaria originem duxerunt. Sunt Rhodopis et Mnesarete. Illa Apollini Delphico, dum pulchritudine florebat, ferrea verua⁵⁾ quasi lucri scripturam tradenda curavit. Mnesarete, quae postea sibi ipsa propter pallorem cognomen indidit Phrynes, suam ipsius statuam auream⁶⁾ dedicavit Delphis. Quam statuam Crates philosophus⁷⁾ dixit inter reges ducesque tam insignes quasi signum intemperantiae per Graeciam diffusae extare. Ut Crates, ita Plutarchus quoque ipse a se

1) Paus. II, 11, 6.

2) Cf. Mitth. arch. Inst. III p. 197.

3) Carapanos, Dodone p. 45 n. 15.

4) VI, 1. 18—20. 211.

5) Herod. II, 135; Plut. Pyth. orac. 14.

6) Plut. l. l. 15.

7) Ael. v. h. IX, 32.

improbari eam statuam profitetur. Sed quin pontifices¹⁾, verecundia quaque posthabita, ad aurum Phrynarum accipiendum nimis propensi fuerint, dubium non esse potest. Eadem meretrix Cupidinem illum praeclarissimum, quem sibi Praxiteles donaverat, Thespiis²⁾ dedicavit.

2. A vita coniugiali sive, ut repetam, a donariis ad amorem coniugiumque pertinentibus accedo ad varia hominum studia. Primum spectant donaria multa ad vitam rusticam. More institutoque maiorum Graeci, ut sterilitatem fructuum vel agrorum prohiberent, in arboribus Baccho sacris oscilla quae vocantur suspendere solebant.³⁾ Haec consuetudo usque ad longinquissima aetatis paganae tempora retinebatur.⁴⁾ Item nunquam defuere, qui quotiesumque messem vel facturi erant vel fecerant deis dona obferrent. Ex epigrammatis⁵⁾ potest conici, dona fuisse aut partem messis⁶⁾ aut ea vestimenta quibus in messe colligenda usi erant homines. Locis nonnullis alia quoque nobis occurrunt. Athenis in Parthenonis inventario fascicula spicarum auro expressarum⁷⁾ leguntur. Deli in insula compluribus deinceps annis *Μαυρίδαι*, i. e. ii qui erant tribules, in Apollinis templo deposuerunt unam, interdum duas pateras.⁸⁾ Recte mihi in hanc rem Homolle⁹⁾ inquisivisse videtur dicens, illos principio terrae fruges dedicasse ac deinceps, cum sacerdotes eas mox interituras esse dixissent, donis illis firmis ac mansuris compensavisse. Nunc pauca dicam de quaestu piscatorio. Piscatus si feliciter evenerat,

1) Cf. Kuhnert l. l. p. 258.

2) Strab. IX p. 410; Athen. XIII p. 591 A.

3) Cf. Poll. onom. IV, 131 v. *αλώγου*.

4) Cf. Boetticher, Baumcultus der Hellenen.

5) Anth. Pal. VI, 21. 41.

6) Cf. Bull. VII p. 397 sqq.

7) C. J. G. I, 139 v. 9; cf. Boeckh. Staatsh. II² p. 152.

8) *σάβιον*.

9) Bull. VI p. 145 cum adn. 2.

piscatores propter gratias deis referendas dona quaelibet dedicabant. Dona autem erant plerumque instrumenta piscatoria, si epigrammata Anthologiae¹⁾, id quod iam saepe fecimus, sequimur. Ut autem piscatores quaestu habito dedicabant, ita cum ad senectutem pervenissent²⁾ instrumenta, quibus non iam uterentur, deo alicui donabant. Alia donaria spectant ad artes litterasque. Discipulos propter gratiam una et magistris et deis referendam studuisse ut aliquid in perpetuum dedicarent, per se potest intellegi. Quid autem aliud tam idoneum erat nisi statuae magistrorum deo cuidam consecrandae? Et id genus exempla nobis tradita sunt. Ab adolescentibus Atheniensibus in Piraeo statuae Artemonis³⁾, Dionysii³⁾, Philhetaeri³⁾ Musis consecratae sunt.⁴⁾ Athenis ipsis ab Attalo II et Ariarathe V statua Carneadis philosophi⁵⁾, qui docuit se praecepta Academicorum, dedicata est. Huic loco duo Anthologiae exempla inserantur. Puer quidam, cum condiscipulos arte scribendi superasset, Musis consecravit statuam senis, qui fuisse magister videtur.⁶⁾ Alterum ad puerum, petentem ut sibi facilitas discendi concedatur, Bacchi statua ob Musarum honorem posita refertur.⁷⁾ Eurydice quaedam, postquam ad summam iam senectutem provecta didicit litteras, Musis donavit coronam.⁸⁾ Omnibus igitur exemplis ad litteras pertinentibus id est commune, de anathematis quae Musis donabantur solis agi. Id quod facile potest intellegi.

1) VI, 23. 24. 33.

2) VI, 4. 5. 25—30. 38.

3) Bull. VII p. 76. 77.

4) De ceteris magistrorum statuīs, quas a discipulis extractas esse tituli docent, tacere licet, quia non deo consecratae, sed honorariae sunt.

5) U. Koehler, Mitth. A. J. V. p. 284—286.

6) VI, 308.

7) VI, 310.

8) Plut. de puer. educ. 20; Koehler, Ges. Schr. III p. 88.

Exempla quae spectant ad artes sunt haec. In Apollinis Delphici templo solium, in quo sedens Pindarus hymnos Apollineos cecinisset, ab exegetis ostendebatur.¹⁾ Quamquam de illius genuitate dubitari potest. Simili modo tripus ille, qui Hesiodo, postquam e certamine cum Homero habito superior evasit, dono datus esse dicitur, propior est fabulae quam historiae.²⁾ Sed causa non est, cur anathemata addubitem haec. Aristomache³⁾ poetria, postquam Pythiis vicit, libellum suum Apollini donavit Delphico. Nero in Iovis templum, quod erat Olympiae, coronas misit quattuor.⁴⁾ Has autem ad poetices ludicra referendas esse, verisimile mihi videtur. A poetice accedo ad musicen. Ardalus⁵⁾, postquam invenit tibiam, Musis fanum et aram iisdem una cum Somno Troezenes dicitur condidisse. Ad Hegeleonem⁶⁾, postquam salpinga a Tyrseno patre inventam ipse reddidit perfectiorem, Minervae fanum Argis situm refertur. Architecturae quoque et plastices mihi occurrerunt exempla. Decimi Cossutii⁷⁾, qui Athenis Olympieum extruxerat, statua intra templum extabat. Haec statua e Kuhnertii⁸⁾ sententia dedicata est ab homine privato: fortasse ab illo ipso id factum esse coniecerim. De plastis idem nobis traditum est his. Chirisophus⁹⁾ Apollini Tegeatico, postquam dei statuam sculpsit, Xenophilus et Straton Argivi¹⁰⁾ Aesculapio, postquam deum Hygieiamque effinxerunt, suas ipsorum statuas consecraverunt. De Bathycle Magnesio

1) Paus. X, 24, 4.

2) Hes. opp. 650 sqq.; Paus. IX, 31, 3; Gell. n. a. III, 11.

3) Plut. conviv. V, 2.

4) Paus. V, 12, 7.

5) II, 31, 4. 5.

6) II, 21, 3.

7) C. J. G. I, 363.

8) loco saepius laudato p. 260.

9) Paus. VIII, 53, 7. 8.

10) II, 23, 4.

aut cum munere ipso¹⁾ aut cum deis qui sint quasi muneris praesides²⁾ arcte cohaesisse. Excipiendae esse videntur Cupidinis statuæ, quas et Sardibus et Sagalassi invenimus dedicatas. Quae ratio inter has statuas et aedilium officia sive deos praesides intercesserit, exquirere non possum.

Hactenus de magistratuum donariis.

Iam vero anathemata, quae ad varia hominum studia pertinent, commemoratu dignissima a me allata esse spero.

3. In tertia hac parte ea contineantur donaria, quae causam habent casus vitae humanae varios. Atque incipio ab anathematis, quorum auctores e calamitate quadam se expediverant. Ex huius generis exemplis donaria ad bella pertinentia primo afferam loco. Hercules Hippocrate filiisque victis Spartae fanum Minervae Ἀξιοποιίας³⁾ et Iunonis Αἰγοφάγον⁴⁾, Elide expugnata in Arcadiae urbe quadam fanum Apollinis Πυθιον⁵⁾ condidisse dicitur. Quin etiam Dryopes ipsos Phylamque regem victos Apollini consecrasset Delphico⁶⁾ narratur. Abiae, Hylli nutrici, fanum Herculis, quod erat Irae⁷⁾, attribuitur. Ad Theseum, postquam vicit Asterionem, templum, quod erat Troezenes, Dianae Σαρείας⁸⁾, ad Amazones Dianae Ἀστροτείας et Apollinis Ἀμαξονίων statuæ⁹⁾ Laco-niae loco quodam positae referuntur. Hecubam, ut excidium Troiae impediretur, Minervae pretiosissimam e vestibis suis

1) Exempli gratia affero statuam illam Mercurii Pergami dedicatam: supra p. 45 adn. 4.

2) velut statuas Mercurii Erythris et Troezenes dedicatas: cf. Hirschf.

3) Paus. III, 15, 6.

4) III, 15, 9.

5) VIII, 15, 5.

6) IV, 34, 6. — Cf. Daremberget Saglio I v. ἀπελεύθεροι.

7) IV, 30, 1.

8) II, 31, 1.

9) III, 25, 2.

donasse Homerus¹⁾ est testis. Laodice, Agapenoris filia, bello Troiano confecto, vestem in Minervae Ἀλέας templo²⁾ deposuisse fertur. Haec omnia exempla quamquam mythis obteguntur, tamen et ex Anthologiae epigrammatis et ex aliis fontibus morem post bella bene peracta aliquid dedicandi privatis fuisse cognoscimus. Quod attinet ad epigrammata, exempli gratia duo, quae extant in Anthol. VI, 2 et 9, attulisse satis mihi est. Accedo ad donaria aliis fontibus comprobata. Saeculo VI a. Chr. ortum est anathema, quod iam supra commemorandi occasio mihi data (p. 24, n. 2) est: intellego statuam Hegelochi Atheniensis illam. Saeculo V attribuerim ectypon, quod homo quidam Atheniensis dedicavit Aesculapio. Liceat mihi titulum³⁾ huius ectypi afferre; σωθεῖς ἐκ τῶν πολέμων καὶ λυτρωθεῖς (ἐκ τῶν ἰδίων⁴⁾, ἐλευθερωθεῖς ἀνέθηνεν. Eodem saeculo Callias Atheniensis Delphos collocandum misit equum marmoreum⁵⁾, Ctesylis quaedam pateram Apollini dedicavit Delio⁶⁾ Equum illum ad bella Persica referri Pausanias tradidit: eandem originem vindicaverim paterae, quae Persarum capitibus ectypo expressis ornata esset. Fortasse statua quoque Diitrephidis⁷⁾ illa praeclarissima ad rem quandam militarem potest referri. Denique unum affero exemplum, quod multo posteriori tempori⁸⁾ attribuendum est. Nicippe⁹⁾ enim quaedam, postquam Augustus ad Actium vicit, Mantineae in urbe Romanis socia statuam dedicavit Veneris Συμμαχίας.

Secundo veniam loco ad donaria, quorum auctores

1) Il. VI, 269.

2) Paus. VIII, 5, 3; cf. Il, 1, 7.

3) arch. diar. 1877 p. 152.

4) Cf. Demosth. p. 394, 18 λελυτρωσθαι ἐκ τῶν ἰδίων.

5) Paus. X, 18, 1.

6) Bullet. VI p. 152.

7) Paus. I, 23, 3. — Cf. Kuhnert l. l. p. 277.

8) Diitrephidis statua est saeculi V.

9) Paus. VIII, 9, 6.

e morbis se expediverant. Athenis intra Aesculapii templum magnus numerus effossus est ectyporum, quae aut Aesculapio ipsi aut Hygieiae aut una duobus his dedicata sunt. Atque ex iis pleraque ad homines morbis sanatos spectant. Quod autem pleraque, non omnia dico, exempli gratia lectorem unius paullo ante¹⁾ laudati ectypi admoneam. Ectypa huc pertinentia nominatim afferre, longum mihi esse videtur²⁾. Id unum addo, ea plerumque saeculo IV a. Chr. orta esse. Romanae quoque aetati numerus haud ita parvus potest attribui; ea extant in C. J. A. III, 1³⁾. Alia ac Athenas loca id genus ectypis non caruisse et per se verisimile est et nonnullis confirmatur exemplis. Satis habeo attulisse ectypon, quod Coloës in Phrygiae urbe mulier quaedam, postquam diu ex pedibus laboravit, sanata dedicavit Dianae *Ἀντιτίδι* daemonique qui vocatur *Μῆν Τράμω*⁴⁾. Neque autem modo ectypa, sed etiam alia donaria diis data sunt. Atque mos simulacra membrorum sanatorum sculpta dedicandi late videtur pervulgatus esse. Cuius moris testis extat Aristides⁵⁾. Id genus simulacra cum aliis locis tum Athenis⁶⁾ effossa sunt permulta. Neque raro in Museis Europae conspiciuntur, exempli gratia pedes nudi anguibus impediti vel marmorei⁷⁾ vel aenei⁸⁾. Commemorem quaeestionem simulacrorum multo ante in duabus dissertationibus⁹⁾ tractatam esse: tamen eas legendi nulla mihi erat occasio.

1) p. 47 adn. 4.

2) Cf. Bull. I p. 156—169; II p. 65—94; diar. arch. 1877 p. 140 bis 157; Mitth. II p. 214—222.

3) n. 132. 134—138. 144. 181—185.

4) Bull. IV p. 128.

5) I p. 698.

6) Cf. Bullet. II.

7) Mus. Mant. I, 44.

8) Bonannimus. Kirch. cl. II p. 81, 6.

9) C. F. Pezold, de membris humanis diis gentium consecratis.

— J. J. Frey, de more diis simulacra membrorum consecrandi.

De Epidauro nobis traditum est, eos qui morbum effugerant intra Asclepieum columnas dedicasse titulis praeditas. Harum Pausanias¹⁾ se vidisse sex contendit: una²⁾ nuperrime effossa est. Aliis locis alia pro cuiusque voluntate ac facultate dona data esse scriptum videmus. Alyattes, rex Lydorum, quem anno 563 a. Chr. mortuum esse constat, craterem argenteum ferrea basi nisum misit Delphos³⁾. Micythus olympiade octogesima una⁴⁾, cum filius, cuius corpus ad ultimam tabem erat redactum, convaluisset, Olympiae dedicavit multarum seriem statuarum, quas invenies apud Pausaniam⁵⁾. Sequenti i. e. quarto saeculo Aspasiae, quam adamabat Cyrus minor, originem duxit anathema. Dedicavit enim Veneri⁶⁾, quae specie per somnum columbae instar oblata remedium morbi sibi indicasset, statuam cum ave illa adsedente auream. Hominum quoque quorum nomen haud ita per Graeciam erat celebratum donaria nobis tradita sunt. Huc spectant: ara, quam Apollonius quidam Aesculapio consecravit Delio⁷⁾; Aesculapii fanum, quod Naupacti condidit Phalysius⁸⁾; statua viri cuiusdam a se ipso Megalopoli compluribus deis⁹⁾ consecrata; basis¹⁰⁾ sex medicinis instrumentis venisque duabus, quae in diptycho sunt evoluta, ornata. Haec non omnia, quae afferri possunt, exempla esse libenter profiteor.

Tot donariis eorum qui bonam valetudinem recupera-

1) Paus. II, 27, 3.

2) Cabbadias *ἐφημερ. ἀρχ.* 1884, 4: titulus tertii saeculi a Chr. est.

3) Herod. I, 25: *ἐκφυγὼν τὴν νόσον.*

4) Cf. A. Boetticher Olympia p. 318.

5) V, 26, 2. 3. Cf. Herod. VII, 170. De basi effossa vid. diar. arch. 1879 p. 150 n. 300.

6) Ael. v. h. XII, 1.

7) Bull. VI p. 343 n. 56.

8) Paus. X, 38, 13; cf. Mittheil. IV p. 22 sqq.

9) Bull. VI p. 194.

10) Diar. arch. 1877 p. 166 n. 86; cf. Ber. Sächs. Gesell. 1861 tab. IX, 10 et Bull. I p. 216 tab. IX.

verant unum modo, quod medicus una cum sanato dicavit, possum addere. Hoc donarium quale fuerit perspicere hodie non potest: exstat basis titulo praedita dedicatorio¹⁾. Sae-
pius, si fontibus est fides, factum est, ut medici soli aut ante medendi curam incipiendam aut post bene adhibitam donis deum adirent. Nicomachus Atheniensis ectypon consecravat Aesculapio²⁾, Hippocrates, celeberrimus ille medicus, ossa aenea Apollini misit Delphico³⁾. Sphyrus⁴⁾ quidam Argis, Titanes Alexanor⁵⁾ Aesculapii templum condidisse, Athenis Mnesitheus⁶⁾ statuas cum aliorum tum Iacchi dedicasse dicuntur.

Eorum qui periculis navigii liberati sunt multa suppeditant donaria, quae plurima quidem ad mythorum aetatem pertinent. Phrixus pellem illius notissimi arietis auream Colchide intra Martis fanum in fago⁷⁾ aut quercu⁸⁾ suspendisse traditur. Ad expeditionem Argonautarum donaria referentur haec: statua⁹⁾ Apollinis Argeotae ad Coronam posita, templum Minervae *Ἀοίας*¹⁰⁾ alibi Laconiae conditum, Argo ipsa¹¹⁾ Neptuno Isthmio dedicata. Sequuntur fanum Apollinis *Ἐπιβατηρίου*, quod erat Troezenes et attribuebatur Diomed¹²⁾, et navis gubernaculum, quod Agamemno donavit Iunoni Samiae.¹³⁾ Quod autem ad Arionem delphino vehentem attinet, perspicuum mihi esse videtur, hoc opus sta-

1) C. J. A. III, 1 n. 186.

2) Bull. II p. 431 l. 17.

3) Paus. X, 2, 4.

4) II, 23, 4.

5) II, 11, 6.

6) I, 37, 3.

7) Apoll. Rhod. Argon. II fin.

8) Apollod. I, 9, 16; Serv. Verg. Georg. II, 140.

9) Paus. IV, 34, 4.

10) III, 24, 5.

11) Apollod. I, 9, 27.

12) Paus. II, 32, 2.

13) Callim. Dian. 228 cum schol.

tuarium, quod Taenari¹⁾ conspiciiebatur, ab homine quodam privato multo post poëtae mortem memoriae causa collocatum esse. Hoc exemplo excepto duo modo, quae historiae fidem prae se ferunt, mihi occurrerunt. Eutychus quidam Deli aliquid dedicavit una Iovi *Ὀυρίω*, Serapidi, Isidi, Anubidi, Harpocrati²⁾ *ὑπὲρᾶυτοῦ καὶ τοῦνίου Εὐβόλου καὶ ὑπὲρ τῶν πλοῖζομένων πάντων*. Ex his verbis ipsis, ut mihi videtur, potest intellegi, Eutychum e naufragio servatum esse et servatum a diis auxilium simul pro ceteris nautis petiisse. Altero quoque exemplo Delum in insulam vocamur. Demetrius enim Sidonius ibi Anubidi dedicavit navis suae stegam³⁾. Ut in priore exemplo ob personas, pro quibus auxilium petiit dedicans, ita hic naufragium consequar coniectura ob rem dedicatam.

Mentio quoque facienda mihi est eorum donariorum quae cum servis in libertatem vindicatis cohaerent. Aetate romana Lycius quidam *Μηρὸς Τυράννου* qui vocatur daemonis fanum condidit Laurii⁴⁾, in Piraeo⁵⁾ fanum eiusdem vir mulierque, quos cum et patris et demi nomen desideretur in titulo servos fuisse arbitror. Deli novem servi⁶⁾, qui cognomen *Κομπεναλιασταὶ* sibi indiderunt, Compitalibus⁷⁾ Fidis deae statuum diis, ut videtur Aegyptiacis, dedicaverunt. Id quod ex manumissione factum esse censeo⁸⁾. Denique afferam pateras argenteas, quas ex aerarii Minervae Atheniensis inventariis cognovimus. Eas cum U. Koehlero⁹⁾ Minervae dedicatas esse puto a servis in

1) Paus. III, 25, 7; Ael. n. a. XII, 45.

2) Bull. VI p. 328 n. 22.

3) Bull. VI p. 340 n. 47: *κατάστρωμα*.

4) C. J. A. III, 1 n. 73.

5) *Ἀθήν* VIII p. 294; cf. Bull. IV p. 130.

6) Bull. VII p. 13.

7) Dion. Hal. IV, 14.

8) Donarium ortum est anno 97/6 a. Chr.: cf. Bull. IV p. 190.

9) Mittheil. 1878 p. 172—177.

libertatem vindicatis. H. Schenkl¹⁾ quidem suspicatus est, pateras eorum donaria esse, qui iam pridem liberati tum demum dedicassent cum, propter officia erga patronos omissa vocati in ius²⁾, absoluti essent. Quae sententia argumentis non ita stabiliri potest, ut eam amplectamur.

Donariis ad bellum, morbum, naufragium, servitium spectantibus cetera addam quorum auctores e calamitate quadam se expediverant. Cypselus, quem ad mortem expositum servari notum est, Delphis condidit thesaurum, ubi simul collocavit palmam aheneam³⁾. Ad eandem causam referuntur Iovis statua⁴⁾ et cista illa notissima⁵⁾ quae conspiciebantur Olympiae in Iunonis templo. Themistocles, quem specie per somnum oblata mater deorum monuerat ut sicarios caveret, Magnesia condidit deae templum⁶⁾. Hic donaria peregrinantium commemorantur, qui itinere bene facto gratias diis referre solebant. Donaria autem sunt pedes tabulae marmoreae impressi, qui usque ad hoc tempus duobus modo locis, Lesbi⁷⁾ et Deli⁸⁾, reperti sunt. Eandem habuerunt causam pedes marmorei qui calceati et anguibus aliisve rebus impediti sunt⁹⁾.

Haec sunt si non omnia, at plurima anathemata, quorum auctores e calamitate quadam se expediverant.

Continuemus donaria, quae causam habent casus vitae humanae varios. Restant venandi res et ludii gymnici. In casibus duobus his quamquam de periculis evitandis

1) Zeit. f. öst. Gy. 1881 p. 167—170.

2) cf. Harpocrat. v. ἀποστασιών.

3) Herod. I, 14; Paus. X, 13, 3. 4; Plut. conviv. 21; Pyth. or. 12. 13.

4) Paus. IV, 13, 1; V, 2, 4; Müller fr. hist. gr. IV, 288.

5) Paus. V, 17, 2.

6) Plut. Them. 30.

7) Conze, Reise auf der Insel Lesbos p. 31—34.

8) Bull. VI p. 327 n. 21; p. 336 n. 37.

9) Cf. Jahn, Sitzber. Sächs. Ges. 1855 p. 103 adn. 310.

sive evitatis potest dici, tamen praecipue de acceptis agitur commodis.

Ad venandi rem referuntur donaria haec. Meleager hastam suam Sicyone in Apollinis templo¹⁾ deposuisse, exuvias apri et arma sua ex arbore quadam suspendisse Atalante²⁾ dicuntur. Eiusdem i. e. Calydonii qui vocatur apri dentes pellisque Tegeae in Minervae templo conspiciebantur³⁾. Taygete Ceryniticam illam cervam consecrasse fertur Dianae⁴⁾. Rursus, si vis, Anthologiae conferas epigrammata⁵⁾: et ex iis morem post venationem deo cuidam aliquid, imprimis arcum, dedicandi in vita cotidiana pervulgatum fuisse potest conici. Atque adeo ea valebat consuetudo, ut narrarent, Actaeonem, cum feliciter venatus nihil dedicasset, Diana auctore a suis canibus dilaceratum esse⁶⁾.

Neque autem quin donaria dicata fuerint praecipue Dianae quasi venationum praesidi dubium mihi esse videtur. Sed alios quoque deos non desideramus. Tertio a. Chr. saeculo Arsaces, rex Armeniorum, pardum ingentem, quem venans interceperat, Baccho consecravit Nysaeo⁷⁾. Eodem tempore originem duxit Dropionis, Paeoniorum regis, anathema: dico bisontis caput aheneum, quod Delphis se vidisse Pausanias⁸⁾ contendit. Ad bonum venationis cuiusdam eventum capita leonis et apri ahenea Apollini Pergameno sacra⁹⁾ spectare mihi videntur: a quo et quando dedicata sint, nescimus.

Denique pauca addam de ludis gymniciis. Ut ab

1) Paus. II, 7, 8.

2) Stat. Theb. IX, 585.

3) Paus. VIII, 46, 1. 2; 47, 2.

4) Ael. n. a. VII, 39.

5) Cf. VI, 34. 35.

6) Diod. IV, 81.

7) Philostr. vit. Apoll. II, 1.

8) X, 13, 1.

9) Paus. X, 18, 5.

iis hominibus qui Olympia vicerint incipiam, hodie inter omnes fere constat, statuas victorum in Alti collocatas non tam anathematum quam honorariarum loco esse habendas¹⁾. Qua de causa? Quia in titulis Olympiae repertis iis qui aetati anteromanae attribuendi sunt, si exceperis poeticos nonnullos, nullum verbi ἀνέθηκε simil. invenitur vestigium: quod verbum in titulis inde ab aetate romana exaratis saepius legitur. Ut autem repetam, statuae Olympionicarum ante saeculum II a. Chr. medium anathematum loco a Graecis habitae non sunt. Mihi quidem mirum videtur, neminendum in hac sententia offendisse. Duae autem mihi sunt causae. Prior est: nonne verisimilius est illis statuis aetate anteromana ipsa aliquid fuisse sancti i. e. eas anathematum loco habitas, contra inde a Romanorum principatu solum ob hominum honorem collocatas esse? Altera: cur inter aetatis anteromanae titulos poeticos et prosaicos discrimen fuisse putandum est? Alio olim loco propius in hanc de Olympionicis quaestionem inquisitum me esse spero. Hic id unum addo, victorum statuas, simul verbum ἀνέθηκε simil. invenitur, attribuendas esse anathematis ad ludos gymnicos spectantibus. Nominatim eas afferre supervacaneum mihi videtur²⁾. Sed alia quoque ac statuae ipsorum dona a victoribus dedicata sunt Olympiae. Huc pertinent currus illi a Gelone³⁾ saeculo V, a Cynisca⁴⁾ saeculo

1) Cf. Furtw., Mittheilg. V p. 29—32 . . . „lediglich als Denkmale des durch den Sieg erworbenen persönlichen Ruhmes; und waren sie auch thatsächlich das Eigenthum des Gottes, in dessen Haine sie standen, so war doch das Motiv bei ihrer Aufstellung nicht etwa das, dem Gotte ein Geschenk darzubringen, sondern von einem Rechte des Siegers Gebrauch machend, den eignen Ruhm zu verkünden.“

2) Cf. Furtw. l. l. et G. Hirschfeld diar. arch. 1882 p. 98—104.

3) Paus. VI, 9, 4 sqq.; diar. arch. 1878 n. 186.

4) Paus. V, 12, 5; VI, 1, 6; diar. arch. 1879 n. 301.

IV, a Glaucone¹⁾ saeculo III dicati et thesaurus quem Myron²⁾ Sicyonius septimo saeculo condidisse dicitur.

Haec admonuerim de anathematis Olympionicarum iis quae dedicaverunt Olympiae. In natura autem rerum mihi esse videtur, donaria quoque domi a victoribus dedicata inveniri. In numero eorum sunt haec: Argis duo Dioscurium ectypa ab Aeschilo³⁾ quodam dedicata; Athenis duae tabulae ab Alcibiade⁴⁾, postquam Olympia Pythia Nemea vicit, in pinacotheca suspensae; ibidem Isocratis⁵⁾ pueri statua in arce collocata, Calliae⁶⁾ statua qui Olympia Pythia Isthmia Nemea Panathenaica vicerat; Spartaee statua Euryleonidis⁷⁾ feminae in Minervae *Χαλκιοίκου* templo posita.

Semel donarium e victoria Olympica dedicatum mihi occurrit, quod neque Olympiae neque domi conspiciebatur: dico statuam Graniani Sicyonii, quam Titanee in Asclepico vidit Pausanias⁸⁾.

Olympionicarum donaria nobis tradita sunt, si computaveris, permulta. Attamen donariorum eorum quae ad alios ludos gymnicos spectant numerus extat parvus. Satis mihi est commemorasse statuam Epicharini⁹⁾ in Atheniensium arce positam, quae haud scio an post victoriam Panathenaicam sit dedicata, et relegasse ad exempla quae leguntur C. J. A. III, 1 nn. 104—129.

Iam vero donaria quae ad casus vitae humanae varios

1) Paus. VI, 16, 9; diar. arch. 1881 n. 390; G. Hirschfeld, Zeit. f. d. oest. Gym. 1882 p. 170.

2) Paus. VI, 19, 1. Contra cf. A. Boett. Ol. p. 215.

3) C. G. J. I, 17 = Röhl n. 37.

4) Athen. XII p. 534 d.

5) Plut. Isocr. § 42; Furtw. l. l. p. 26 adnn. 3. 4.

6) Paus. V, 9, 3; VI, 6, 1; C. J. A. I, 419.

7) Paus. III, 17, 6.

8) II, 11, 8.

9) Paus. I, 23, 9; C. J. A. I, 376.

spectant gravissima a me allata esse spero. Accedo ad extremam partem.

4. Extremo persequar loco hominum statuas locis sacris privatim positas. Ne autem me repetam, respicias velim quae supra disserui. Hic medias in res ineam. Vetustissima exempla ante saeculum VIII a. Chr. statuenda sunt. Sunt parvulae illae statucae aheneae, quae Olympiae effossae et ab A. Furtwaenglero¹⁾ tractatae sunt. Temporibus tam remotis nullo alio loco nisi in Cypro²⁾ consuetudinem deo cuidam imaginem suam ipsius consecrandi valuisse comperimus. In Graecia ipsa is mos inde a saeculo sexto a. Chr. latius fusus esse videtur. Sexto enim saeculo attribuenda sunt statucae hac:

Athenis Cylonis.

Deli Nicandrae³⁾

Mileti aut potius prope ad Miletum cum hominum multorum tum Charis⁴⁾ illius notissimi.

Sami Amasis⁵⁾.

Quinto saeculo originem duxerunt statucae:

Athenis Epicharini⁶⁾, Oenobii⁷⁾, Pyris⁸⁾, Isocratis, eius matris et materterae⁹⁾.

Delphis Gorgiae¹⁰⁾, Lysandri¹¹⁾, Phrynes¹²⁾.
Eleuside Isocratis⁹⁾.

1) Act. soc. Berol. 1879.

2) Cf. Ceznola-Stern.

3) Bull. IV p. 484.

4) Rayet, Milète tab. XXV.

5) Erant duo statucae: Herod. II, 182.

6) Supra p. 55 adn. 9.

7) Paus. I, 23, 9.

8) C. J. A. I, 403.

9) Plut. Isocr. 4.

10) Diar. arch. 1877 n. 54.

11) Plut. Lys. 8.

12) Athen. XIII, 591 B.

Thespiis Phrynes¹⁾.

Quarto attribuerim saeculo has:

Athenis Mnesimachi²⁾, Theoxenidis³⁾.

Ad saeculum tertium referendae sunt statuae:

Deli Antiochi Philopatoris⁴⁾ et eius paedagogi⁴⁾,
complurium hominum privatorum⁵⁾.

Saeculo secundo ortae sunt hae:

Argis Xenophili et Stratonis.

Athenis Carneadis.

Deli Antiochi III⁶⁾, Antiochi IV⁷⁾, Cleopatrae⁸⁾,
Ptolemaei Σωτήρος II matris, multorum privatorum
quos nominatim afferre longum est⁹⁾.

Olympiae Arsinoes¹⁰⁾ Alexandri Magni¹¹⁾, regis
cuiusdam Lacedaemonii¹²⁾, consulis cuiusdam Romani¹³⁾.

E statu is primi saeculi a. Chr. commemoraverim:

Olympiae duorum virorum privatorum¹⁴⁾.

Ad primum p. Chr. saeculum pertinent statuae:

Olympiae duorum hominum privatorum¹⁵⁾.

Hadriani aetatem Purgoldius nuperrime vindicavit

1) Paus. IX, 27, 5.

2) Beulé l'acrop. II, 299 n. 2.

3) Ross, Arch. Aufs. I p. 173 n. 33.

4) Bull. IV p. 217/8.

5) Bull. V p. 456 nn. 4. 5.

6) Bull. III p. 360.

7) l. l. p. 362/3.

8) Bull. IV p. 223/4.

9) Cf. l. l. p. 212 adn. 2; VI p. 321 n. 7 etc. etc.

10) Diar. arch. 1878 n. 193.

11) 1879 n. 275.

12) 1878 n. 196.

13) 1879 n. 258.

14) 1877 n. 51; 1879 n. 238.

15) 1877 nn. 47. 96.

statuae Alexandri Magni, quae sub Jovis imagine ab homine quodam Corinthio dedicata est Olympiae¹⁾.

Brevi si respexeris, exempla statuarum privatim dedicatarum inveniuntur inde a saeculo octavo a. Chr. usque ad saeculum alterum p. Chr. Duo autem genera facile internoscuntur: alterum, ubi suam quisque statuam, alterum, ubi alius aliorum statuas dedicavit deis. Illius exempla generis per multa saecula inveniuntur sola: huius exempla non antea mihi occurrerunt nisi saeculo quinto a. Chr. Dico Isocratis statuas duas, quarum una erat dedicata ab Aphareo filio arrogato, altera a Timotheo amico; addo eas fortasse ortas esse quarto saeculo ineunte. Industria autem Cylonis²⁾ statuam praetermisi, quae utrum ab ipso an ab amicis vel cognatis dedicata fuerit dubia sit. Ut igitur repetam, usque ad saeculum V exiens vel ad IV iniens suam quisque statuam deo cuidam consecrare solebat, inde ab hac aetate coepit mos statuas cognatorum et amicorum dedicandi percrescere. Illud igitur A. Boettcheri³⁾ mihi comprobari videtur.

Sic anathemata extraordinaria privatim dicata per-
lustravi.

Iam vero respiciamus ad stadium, quod percurrimus.

Perquisivi anathemata Graeca ordinaria et extraordinaria sive publica sive privata. Meminerit velim lector quaestionis, quam mihi in hac dissertatione proposueram tractandam. Quaestio autem erat, qui anathematum fuisset

1) Paus. V, 25, 1.

2) Idem valet de Xenophili, Stratonis, Cossutii statuvis.

3) Ol. p. 169: „Hellenischer Sitte späterer Zeit entspricht der Brauch, der Gottheit sein eigenes Portrait zu weihen, nicht.“

usus. Quamobrem donaria secundum occasiones, unde duxerunt originem¹⁾ afferenda esse putavi.

Ordinariorum quidem occasionem semper unam eandemque fuisse cognovimus.

Attamen in extraordinariis quanta regnabat varietas! De ea accuratius hic disserere, ne repetam me, nolo. Id unum dico horum anathematum duo nobis occurrisse genera Prius ad donaria ante factum i. e. prohibendi vel saepius impetrandi causa dicata spectat, alterum ad donaria post factum i. e. expiandi vel saepius gratias referendi causa donata. Alterum autem hoc genus illi priori longe praevalere ex exemplis potest intellegi. Et id in rerum natura esse puto. Ante enim factum verisimile est et privatos et rempublicam plerumque in precando acquievisse et tantum raro preces auxisse donis. Dona autem, postquam deorum auxilio factum est aliquid, et reipublicae et privatis necessaria esse videbantur. Discrimen quod inter duo anathematum genera intercederet quamquam Graecis ipsis notum fuit, tamen nullo legitur loco explicitum suis vocabulis. At quispiam dixerit: nonne P. Foucartius²⁾ donariis antea dicatis vocabulum *ἐπαρχή*, *ἀπαρχή*³⁾ donariis postea dicatis vindicavit? Doctissimus ille vir quamquam id fecit, tamen ipse in vocabulo *ἐπαρχή* solum de donis frumentariis agi concessit. Huc accedit, quod in titulis dedicatoriis omnino non legitur. Aliter res se habet de vocabulo *ἀπαρχή*. Hoc et saepissime invenitur et cuiusvis speciei donariis post factum dicatis⁴⁾ vindicatur. Sed qui terminis studet tech-

1) Magnum igitur numerum donariorum, quorum occasio potest nullo explicari modo, praetermisi.

2) Bullet. 1883 p. 397.

3) Cf. vocc. *ἀποικοι* et *ἐποικοι*.

4) Sive vim habet propiorem primitiarum (cf. Herod. I, 92) sive latiore donorum (cf. Eurip. Andr. 150).

nicis, ei licet vocabulo *ἐπαγγελί* de priore anathematum genere, de altero uti *ἀπαγγελί*. Nos quoque Germani vocabula „Bittgabe“ et „Dankgabe“ possumus discernere.

Haec de anathematum Graecorum usu. Alias quaestiones, quae tractandae restant, in aliud differo tempus. Nonnullis supra locis hanc illam perstrinxi.



Theses.

1. Apul. met. V, 4 legerim: atque, ut est natura, rerum novitas per assiduam consuetudinem ei se commendarat.
2. In Theocriti idyllio I versus 30 et 31 e textu sunt eiciendi.
3. Discrimen est, utrum in titulis dedicatoriis, si complures aliquid dedicant, legitur coniunctio (καί) an praepositio (σύν, μετά). •
4. Coniectura, quam Cobet (Mnemos. 1884, 1) ad Paus. I, 9, 3 (ἔστησαν pro ἔθηκαν) proposuit, repudianda est.



•

VITA.

Natus sum Franciscus Ziemann die XXIII mens. Mart. 1860 Regimonti patre Francisco, qui compluribus annis ante e vita decessit, matre Henrietta e gente Hermann, quam adhuc vivam colo. Fidei addictus sum evangelicae. Sex annos natus gymnasium adii Friedericianum quod inde a nona usque ad primam classem frequentavi. Initio anni 1880 A. Lehnerdtio directore maturitatis examen absolvi. Deinde in Academia Albertina philologiae et archaeologiae studiis per decem semestria incubui. Proseminarii per quattuor, seminarii philologici per duo semestria fui sodalis. Item interfui exercitationibus archaeologicis ab Hirschfeldio institutis. Docuerunt me viri illustrissimi hi:

Rezzenberger, Dehio, Friedlaender, Hirschfeld, Jordan, Ludwig, Quaebecker †, Rühl, Schade, Walter.

Quibus omnibus gratias ago, praecipue Gustavo Hirschfeld et Arthuro Ludwig.



